




ՄԱՐԻ ՄԱՐԻ ՄԱՐԻ ԿԱՐԵՂԻ
ԿԱՐԵՂԻ, ԿԱՐԵՂԻ
ԿԱՐԵՂԻ, ԿԱՐԵՂԻ

ԸՆԴՈՒՆԵԼՈՒԹՅՈՒՆՆԵՐ ՎԵՂԱՐԱՆՈՒՄ
Ամենայն Հայոց Կաթողիկոսն ընդունեց

14 հուլիսի

Սփյուռքահայ ուսուցիչների

Ամենայն Հայոց Կաթողիկոսը «Վաչե Եւ Թամար Մանուկյան» մատենադարանում հանդիպում ունեցավ Հայաստանում վերապատրաստման դասընթացներին մասնակցող սփյուռքահայ 62 ուսուցիչի հետ:

Հանդիպմանը Զրիստոնեական դաստիարակության կենտրոնի տնօրեն Վարդան Եպս Լավասարյանը ողջունեց եւ բարի գալուստ մաղթեց 14 երկրի հայկական կրթական հաստատությունների ուսուցիչներին՝ հույս հայտնելով, որ Ամենայն Հայոց Հայրապետի օրհնությամբ նրանք նոր լիցքերով կշարունակեն ուսուցչի վեհ առաքելությունը:

գնահատում ուսուցիչների՝ նոր սերնդի դաստիարակության եւ կրթության գործում բերած նվիրյալ ծառայությունը, եւ իր սպասումն է, որ ուսուցիչները, հայագիտական առարկաներ դասավանդելուց գաւտ, երիտասարդ սերնդին հաղորդ դարձնեն նաեւ ազգային, հայրենական եւ համայնքային կյանքի իրողություններին, նրանց առիթ ընձեռեն ներգրավվելու տարբեր ծրագրերում եւ այդպիսով մասնակից դառնալու ազգային կյանքին: Վեհափառը հաստատեց, որ դա է հայրենասեր, ազգասեր եւ Նախանձախնդիր սերունդ կրթելու ճանապարհը:

Նորին Սրբությունը բարի ընթացք մաղթեց փառատունին եւ վստահություն հայտնեց, որ այն իր ծանրակշիռ եւ ու-

րուն տեղը կգրավի ոչ միայն Հայաստանի, այլեւ միջազգային մշակութային կյանքում:



19 հուլիսի

Իսպանիայի Կաթոլիկ Եկեղեցու ուխտավորներին

Ամենայն Հայոց Կաթողիկոսն ընդունեց Իսպանիայի Կաթոլիկ Եկեղեցու թեմերի միջեկեղեցական հարաբերությունների ներկայացուցիչներին եւ ուխտավորներին՝ ուղեկցությամբ Մադրիդի եպիսկոպոսական ժողովի գլխավոր քարտուղար, Մադրիդի կարդինալի օգնական եպիսկոպոս Խուան Անտոնիո Մարտինեսի:

Մադրիդի հոգեւոր հովիվ Շնորհք արք. Սարգսյանը, Ամենայն Հայոց Հայրապետին ներկայացնելով ուխտավորներին, նշեց, որ քույր Եկեղեցու ներկայացուցիչներին համար շատ կարեւոր է Հայոց ցեղասպանության 100-րդ տարելիցի ոգեկոչման տարում Մայր Աթոռ Սր Էջմիածնում գտնվելը:

Երախտագիտության խոսք ասաց նաեւ եպիսկոպոս Խուան Անտոնիո Մարտինեսը, ով ընթերցելով Մադրիդի եպիսկոպոսական ժողովի գրությունը՝ ընդգծեց, որ այս օրն Իսպանիայի Կաթոլիկ Եկեղեցու ուխտավորների համար մշտապես պիտի հիշվի, քանի որ նրանք հաղորդվելու են Հայ Եկեղեցու նվիրական արժեքներին եւ Մայր տաճարում մասնակցելու եւ Պատարագի արարողությանը:

Գարեգին Բ Ամենայն Հայոց Հայրա-

պետն ուխտավորներին բերեց իր գնահատանքի եւ օրհնության խոսքը եւ գոհունակությամբ շեշտեց այն, որ քույր Եկեղեցիների հոգեւորական եւ աշխարհական ուխտավորները հայ ժողովրդի համար նվիրական տարում որոշում են կայացնում ուխտի գնալ Հայաստան եւ Մայր Աթոռ Սր Էջմիածին՝ իրենց հարգանքը բերելու ցեղասպանության եւթարկված հայ նահատակներին, ինչպես նաեւ բոլոր այն անձանց, ովքեր ի սեր Զրիստոսի՝ կամավորաբար հանձն առան մարտիրոսության սուրբ պսակը:

Վերհիշելով Հայոց ցեղասպանության 100-րդ տարելիցի առիթով Վատիկանում Հռոմի Սրբազան Զահանայապետ Ֆրանցիսկո Պապի մատուցած սուրբ եւ անմահ Պատարագի արարողությունը՝ Նորին Սրբությունն ընդգծեց, որ սուրբ նահատակները բոլորին են պատկանում, քանի որ նրանք հավատքի վկաներն են եւ պանծացնում են Հիսուս Զրիստոսի ուսմունքի հիման վրա կառուցված Եկեղեցիները:

Հանդիպմանը ներկա էր Մայր Աթոռ Սր Էջմիածնի միջեկեղեցական հարաբերությունների բաժնի տնօրեն Շահե վրդ. Անանյանը:

Շարունակությունը՝ էջ 2



Այնուհետեւ հայագիտական առարկաներ դասավանդող սփյուռքահայ ուսուցիչներին իր օրհնությունն ու պատգամը բերեց Գարեգին Բ Ամենայն Հայոց Կաթողիկոսը: Նորին Սրբությունն ուրախություն հայտնեց, որ Հայաստանում սփյուռքահայ ուսուցիչների վերապատրաստման դասընթացները շարունակվում են, եւ ավելի մեծ թվով ուսուցիչներ են մասնակցում դրանց: Վեհափառ Հայրապետը վերհիշեց, որ առաջին տարիներին վերապատրաստման դասընթացները կազմակերպվում էին Մայր Աթոռ Ս. Էջմիածնում՝ ՀՀ կրթության եւ գիտության նախարարության հետ համատեղ:

Նորին Սրբությունն ընդգծեց, որ բարձր է

Հայոց Կաթողիկոսը հավելեց, որ միայն հայրենիքի նկատմամբ սեր, ապագայի հանդեպ հավատը եւ տեսիլք ունեցող անհատը կարող է հաղթահարել կյանքի բոլոր դժվարությունները եւ վստահություն հայտնեց, որ ուսուցիչները դասընթացի ավարտին իրենց երկրները կվերադառնան ոչ միայն նոր գիտելիքներով եւ փորձառությամբ, այլեւ՝ հոգեւոր-ազգային ապրումներով խանդավառված եւ ներշնչված ազատ ու անկախ հայրենիքի իրողությամբ:

Ավարտին Ամենայն Հայոց Կաթողիկոսն արդյունավոր ընթացք ցանկացավ դասընթացներին՝ մաղթելով, որ բարին Աստված ուսուցիչներին գորացնի իրենց կարեւոր առաքելության մեջ:

15 հուլիսի

«Ֆրեսկո» փառատոնի կազմակերպիչներին

Ամենայն Հայոց Կաթողիկոսն ընդունեց արդի արվեստի եւ հոգեւոր ֆիլմերի «Ֆրեսկո» միջազգային փառատոնի կազմակերպիչներին՝ գլխավորությամբ Մայր Աթոռի եկեղեցական հայեցակարգային հարցերի գրասենյակի պատասխանատու, փառատոնի հոգեւոր խորհրդատու Բագրատ Եպս Գալստանյանի եւ Մայր Աթոռի ԶԴԿ-ի տնօրեն Վարդան Եպս Լավասարյանի:

Հանդիպման սկզբում Վարդան սրբազանն Ամենայն Հայոց Կաթողիկոսին ներկայացրեց «Ֆրեսկո» փառատոնի արձանագրած հաջողությունները՝ ուրախությամբ փաստելով նաեւ, որ այն անցկացվել է Հանդիմանում, իսկ փակման հանդիսավոր արարողությունը կատարվել է Մայր Աթոռ Սր Էջմիածնում:

Ապա Նորին Սրբությանն իրենց երախտագիտության խոսքն ուղղեցին փառատոնի կազմակերպիչները՝ շնորհակալություն հայտնելով աջակցության համար:

Ամենայն Հայոց Կաթողիկոսն իր հայրական օրհնությունն ու պատգամը փոխանցեց «Ֆրեսկո» փառատոնի կազմակերպիչներին՝ կարեւորելով վերջինիս նպատակը՝ հոգեւոր-մշակութային երկխոսության միջոցով հանրության մեջ նպաստել սիրո, համերաշխության ու մարդասիրական արժեքների ամրապնդմանը եւ հոգեւոր արժեքների տարածմանը:

Նորին Սրբությունը ողջունեց երիտասարդության դերակատարությունը փառատոնի կազմակերպման գործում, ինչպես նաեւ այն, որ փառատոնը հնարավորություն էր ընձեռում սոցիալական խոցելի խավերի ներկայացուցիչներին մասնակից դառնալու միջոցառումներին եւ կարեւորեց հանրության կյանքում հոգեւոր-բարոյական արժեքների գորացմանն ուղղված նման նախաձեռնությունների իրականացման անհրաժեշտությունը:



Սպիտակ էջ 1
24 հունիսի

Հայաստանում Եվրոպական միության դաշնակցության ղեկավարին



Ամենայն Հայոց Կաթողիկոս ընդունեց ՀՀ-ում Եվրոպական միության պատվիրակության ղեկավար, ղեկավար Տրայան Զիսթեային:

Առաքելությունն ավարտելու կապակցությամբ Մայր Աթոռ Սուրբ Եջմիածին Եվրոպական միության պատվիրակության ղեկավար Մայր Աթոռ Ս. Եջմիածին հետ ընդունեց համագործակցության համար շնորհակալություն հայտնեց Նորին Սրբությանը՝ ներկայացնելով անցած չորս տարվա ընթացքում Հայաստանի կյանքի տարբեր ոլորտներում իր ծավալած գործունեությունը:

Դեսպանը մասնավոր անդրադարձ կատարեց համընդհանուր արժեքների պահպանության ու ամրապնդման, մարդու իրավունքների պաշտպանության գործում ԵՄ պատվիրակության գործադրած ջանքերին՝

նշելով, որ դրանց է ուղղված նաև Հայոց Եկեղեցու առաքելությունը:

Վեհափառ Հայրապետը Հայաստանին բերած ծառայության համար իր գնահատանքը հայտնեց պրն Տրայան Զիսթեային՝ գոհունակությամբ փաստելով ԵՄ-ի՝ երկրին ցուցաբերվող գորակցությունը, եւ ընդգծեց հոգեւոր-քաղաքական արժեքների գործադրման կարեւորությունը, որոնցով հնարավոր պիտի լինի հաղթահարել հայրենիքի եւ ժողովրդի առջեւ ծառացած բոլոր դժվարություններն ու կերտել բարձր կյանք:

Վերջում Վեհափառ Հայրապետը հետագա գործունեության մեջ հաջողություններ մաղթեց պրն Տրայան Զիսթեային:

Խոսվեց նաև ՀՀ-ԵՄ հարաբերությունների եւ Լեռնային Ղարաբաղի հակամարտության խաղաղ կարգավորման խնդրի մասին:

Գեւորգյան հոգեւոր ճեմարանի 2014-2015 թթ. ուսումնական տարվա փակման հանդիսությունը Մայր Աթոռում



դիկոսին՝ նա ասաց. «Այս լույսի ներքո Գեւորգյան հոգեւոր ճեմարանը հայ իրականության մեջ պետք է լինի նաեւ այն անմատուց ամբողջ ու լուսավոր փարոսը, որն անադարտ կպահի հայագիտության դարավոր ավանդները եւ մշտավաճ՝ լուսավորչյան կանխորդ»:

Այնուհետեւ ասումով հանդես եկան ճեմարանի առանձին սաներ, իսկ երգչախումբը՝ ղեկավարությամբ ՀՀ արվեստի վաստակա-

Հունիսի 20-ին Մայր Աթոռ Սր Եջմիածին Գեւորգյան հոգեւոր ճեմարանի հանդիսությունների դահլիճում, օրհնությամբ Ամենայն Հայոց Կաթողիկոսի, տեղի ունեցավ ճեմարանի 2014-2015 թթ. ուսումնական տարվա հանդիսավոր փակումը:

Տեղումնական աղոթքից, Հայաստանի Հանրապետության եւ ճեմարանի օրհներգերից հետո 2014-2015 թթ. ուսումնական տարին ամփոփեց Մայր Աթոռի հոգեւոր-կրթական հաստատությունների վերատեսուչ, Գեւորգյան ճեմարանի տեսուչ Գեւորգ եպս Սարգսյանը:

Սրբազան անդրադարձավ ուսումնական անցած տարվա ընթացքում ճեմարանի մշակութային եւ քաղաքական, սոցիալական, գիտա-մանկավարժական գործունեությանը, տարբեր հոգեւոր հաստատությունների եւ ճեմարանի միջոցառման համագործակցությանը, գրադարանական կապերի հետագործունեություններին եւ «Մերմայն» մատենաշարի արձանագրած հաջողություններին:

Ճեմարանի նկատմամբ հայրական հոգածություն ցուցաբերելու համար շնորհակալություն հայտնելով Ամենայն Հայոց Կաթո-

վոր գործիչ Ռուբեն Ասատրյանի, կատարեց հոգեւոր եւ ազգային երգեր:

Տեղեկություններ տրվեցին Տրայան արք. Սարգսյանի խոսքով: Սրբազանը, ներկայներին փոխանցելով Ամենայն Հայոց Կաթողիկոսի օրհնությունը, գնահատանք հայտնեց ճեմարանի տեսչական եւ դասախոսական անձնակազմի հոգեւոր եւ աշխարհիկ ներկայացուցիչներին՝ անցած տարում ներդրած ջանքերի եւ կատարած աշխատանքների համար: Սրբազանը խոսեց ճեմարանում ուսանած լուսնեղև կերպարների՝ հայ ժողովրդի նշանավոր մտավորականների մասին եւ ճեմարանականներին հորդորեց շարունակել նրանց ուղենշած ճանապարհը:

Դիմելով ճեմարանի շրջանավարտ 26 սարկավագներին՝ Տրայան սրբազան անդրադարձավ նվիրյալ հոգեւորականի կերպարին եւ մաղթեց, որ իրենց առաքելության ընթացքում Աստուծո կողմից տրված շնորհները ծառայասիրության ոգով առատորեն բաշխեն մարդկանց:

Հանդիսությունը փակվեց Պահպանիչ աղոթքով եւ Հայրապետական մաղթերով:

Շխանակների հանձնման արարողություն

Մայր Աթոռ Սր Եջմիածնում

Հունիսի 15-ին Մայր Աթոռ Սր Եջմիածնում Ն. Ս. Օ. Տ. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսի նախագահությամբ տեղի ունեցավ պարզեւաբաշխության արարողություն:

Հայրենական ու ազգագույն ծառայության, ինչպես նաեւ արվեստի եւ երաժշտության ոլորտում ունեցած ձեռքբերումների համար Հայաստանյայց Առաքելական Սր Եկեղեցու «Սուրբ Սահակ - Սուրբ Մեսրոպ» պատվոքարձ շքանշաններ հանձնվեցին ՀՀ ժողովրդական նկարիչ, պրոֆեսոր Զախար Խաչատրյանին եւ ՀՀ ժողովրդական արտիստ, դաշնակահար, պրոֆեսոր Սվետլանա Նավասարդյանին:

Արարողությունը բացվեց Պարույր քին. Ավետիսյանի ողջույնի խոսքով:

Զախար Խաչատրյանի կյանքին ու արժանաշատ վաստակին անդրադարձավ արվեստաբան Հրավարդ Հակոբյանը: Երեսանի Կոմի-

թյունները: Դուք ամենայն սիրով ու բժականությամբ ձեր կարողություններն ի սպաս եք բերել Սահակ Պետրեքոյի հայկական եկեղեցիների նորոգության գործին՝ հանձն առնելով հնամենի սրբապատկերների վերականգնման բարդ ու պատասխանատու գործը: Ուրախ եմ, որ հայրատացելով ձեր եկեղեցանկեր վաստակը՝ Դուք Մայր Աթոռ Սր Եջմիածնին նվիրաբերեցիք ձեր շնորհալի ձեռքով վրձնած՝ Սր Մարիամ Աստվածածնի սրբապատկերը: Այսօր ձեր բազմաթիվ աշխատանքներ, օժիված ու նվիրագործված սրբալույս մյուռնիով, զարդարում են մեր եկեղեցիների խորանները, որոնց առջեւ աղոթքի են կանգնում մեր ժողովրդի զավակները՝ փառաբանելով Տիրոջ սր անունը:

Տիկին Սվետլանա Նավասարդյանին ուղղված հայրապետական կոնդակում ասվում է. «...Այսօր ուրախ առիթ ունեք Մեր գնահատանքը բերելու ձեզ՝ մեր երկրի ու ժողովրդի



տասի անվան պետական կոնսերվատորիայի ռեկտոր Ծահեն Ծահիկյանը խոսեց Սվետլանա Նավասարդյանի ազգանկեր գործունեության մասին՝ ներկայացնելով նաեւ կոնսերվատորիայի գիտական խորհրդի խոսքը:

Այնուհետեւ «Եջ Միածին ի Զօրե» շարականի երգեցողության ներքո բերվեցին հայրապետական սրբատառ կոնդակները, որոնք ընթերցեցին Մայր Աթոռի եկեղեցական հայեցակարգային հարցերի գրասենյակի պատասխանատու Բագրատ եպս Գալստյանը եւ Մայր Աթոռի ԶԿԿ տնօրեն Վարդան եպս Նավասարդյանը:

Տիար Զախար Խաչատրյանին ուղղված հայրապետական կոնդակում մասնավորապես նշված է. «...Ճանաչում եմ ձեզ անձնապես եւ քաջանշան եմ հայ գեղանկարչության շնորհաշատ մշակիչ վաստակաշատ գործունեությանը: Ձեր երիտասարդությունն անցավ Երկրորդ համաշխարհային պատերազմի մարտահաշտերում, ուր ձեր սերնդակիցների պես Դուք մասնակցություն բերեցիք ֆաշիզմի դեմ մեծ հաղթանակի կայացմանը՝ հանուն մեր երկրի ու հավատավոր ժողովրդի ապահովության: Պատերազմի ավարտին վերադառնալով հայրենիք՝ կրթություն ստացաք Երեսանի գեղարվեստի ինստիտուտում, ապա եւ Սահակ Պետրեքոյի գեղանկարչության, քանդակագործության եւ ճարտարապետության ակադեմիայում՝ աշակերտելով ժամանակի մեծանուն գեղանկարիչներին եւ գորացնելով ձեր գիտելիքներն ու աստվածապարզե կարողությունները: Ձեր անունն այսօր ճանաչված է ինչպես Հայաստանում, այնպես եւ մեր երկրի սահմաններից դուրս՝ որպես գեղարվեստի մեծ նվիրյալ եւ տաղանդավոր նկարիչ: Հայաստանի, Ռուսաստանի եւ քաղաքային այլ երկրների թանկագրասերներում ու ցուցադրահներում ներկայացված ձեր ստեղծագործությունների միջոցով Դուք տասնամյակներ շարունակ մարդկանց փոխանցում եք ձեր հոգու անկեղծ զգացումներն ու ապրումները: Ձեր աղվեստը, որ մեծ ճանաչում ու պատիվ է բերել ձեզ, գնահատված է Հայաստանի եւ Ռուսաստանի ամենաբարձր պարգևներով ու կոչումներով: Ձեր հմտությունները Դուք ամենայն սիրով ու նվիրումով քաշխել եք նաեւ քաղաքապետ երիտասարդ նկարիչների՝ դասավանդելով ու վարձակալան պաշտոններ վարելով հաջատուր Արթուրյանի անվան Երեսանի պետական մանկավարժական համալսարանում:

Մեզ համար առանձնակի գոհունակություն է գնահատել նաեւ Առաքելական մեր Սուրբ Եկեղեցուն մատուցած ձեր ծառայու-

կանքում ձեր գովաբան վաստակի համար: Տակալին մանուկ հասակից Դուք ձեր կյանքն ընծայեցիք երաժշտարվեստին եւ գիտակից նվիրումով, հետեւողական ու անողորմ ուսումնառությամբ գորացրեցիք աստվածատուր ձեր շնորհներն ու կարողությունները Երեսանի եւ Մոսկվայի պետական կոնսերվատորիաներում: Մեր ժողովուրդն ի սկզբանե սիրեց դաշնամուրային բարձրաճաշակ ձեր մատուցումները: Համաշխարհային երաժշտության գանձերը՝ Բախի, Մոցարտի, Բիւսոնի, Շոպենի, Լյուդվիգ Բեթհովենի եւ այլ մեծերի ստեղծագործությունները, Դուք ներկայացրեցիք յուրօրինակ վարպետությամբ ու ձեզ հատուկ զգացմունքայնությամբ՝ վաստակելով մասնագետների բարձր գնահատանքը: Աստվածատուր ձեր շնորհներով փայլեցիք աշխարհի հանրահայտ բեմահայրթյաններում եւ միջազգային միջոցներում՝ արժանանալով պետական ու հասարակական բազմաթիվ կոչումների, պարգևների ու մրցանակների՝ ձեր անունն արժանիորեն արձանագրելով հայ երաժշտարվեստի պատմության մեջ: Մեծ է ձեր ավանդը նաեւ երաժշտության խոր սերունդ պատրաստելու շնորհակալ գործում: Երկար տարիներ դասավանդելով Երեսանի Կոմիտասի անվան պետական կոնսերվատորիայում՝ Դուք ձեր սաներին փոխանցում եք ձեր վարպետությունն ու տարիների ընթացքում ամբարած գիտելիքները, նաեւ նրանց մատուցում աշխատասիրության ու երաժշտարվեստին անսակարկ նվիրումի ձեր վառ օրինակը»:

Կոնդակների ընթերցումից հետո Ամենայն Հայոց Հայրապետը, ի գնահատություն արվեստի անդամատանում բերած բազմաթիվ ծառայության, մեծանուն գործիչներին շնորհեց Հայ Եկեղեցու «Սուրբ Սահակ - Սուրբ Մեսրոպ» շքանշանները:

Պարգևաբաշխության առիթով իրենց սրտի խոսքն ասացին նաեւ շնորհակալները: Ս. Նավասարդյանը, հայրապետական պարգևը նկատելով իրեն իր համեստ վաստակի շնայլ գնահատական, նշեց, որ հպարտ է հայ արվեստագետ եւ մանկ վիթխարի հին մշակույթի ծառանդորդ լինելու համար եւ ուրախ պիտի լինի իր փոքրիկ լուսնիկ ներդրելու այդ մշակույթի զարգացման եւ պահպանման գործում:

Իսկ Մ. Խաչատրյանը, Հայ Եկեղեցու պարգևի համար շնորհակալություն հայտնելով Նորին Սրբությանը, անդրադարձավ իր կյանքում հավատի կարեւոր դերակատարությանը: Հանդիսությունն ամփոփվեց Ամենայն Հայոց Կաթողիկոսի օրհնության խոսքով:

Հուլիսի 16-ին Մայր Աթոռ Սբ. Էջմիածնի Գեղորդյան հոգեւոր ճեմարանի հանդիսությունների դահլիճում, նախագահությամբ Ամենայն Հայոց Կաթողիկոսի, տեղի ունեցավ «Ոսկե ծիրան» միջազգային ամենամյա կինոփառատոնի առիթով Հայաստանյայց Առաքելական Սբ. Եկեղեցու սահմանած «Եղիցի լույս» մրցանակի հանձնման հանդիսավոր արարողությունը: Հայոց Եկեղեցու հաստատված պատվավոր մրցանակն այս տարի շնորհվեց Փրանսահայ աշխարհափռային կինոռեժիսոր Ռոբեր Գեղիգյանին:

Տեղումնական արդթեքից հետո «Ոսկե ծիրան» կինոփառատոնի մասնակիցներին ու հյուրերին ողջունեցին Մայր Աթոռի թանգարանների եւ արխիվի տնօրեն Ասողիկ

Մայր Աթոռ Սուրբ Էջմիածնում տեղի ունեցավ «Եղիցի լույս» մրցանակի հանձնման հանդիսությունը

եւ մարդասիրական արժեքների քարոզչության եւ համաշխարհային կինոարվեստում մեծ վաստակի համար Հայաստանյայց Առաքելական Սբ. Եկեղեցու սահմանած «Եղիցի լույս» մրցանակը 2015 թ. շնորհվում է հայ ժողովրդի տաղանդաշատ զավակին:

Այս ամենայն Հայոց Հայրապետը կինոռեժիսոր Ռոբեր Գեղիգյանին հանձնեց «Եղիցի լույս» մրցանակը:

Շնորհակալական խոսքով հանդես եկավ մրցանակակիրը. «Ես շատ շուրջ եմ երջանիկ եմ այս մրցանակի համար, հատկապես այս

«Էջմիածինն ի Զօրե» շարականի երգեցողության ներքո բերվեց հայրապետական սրբատառ կոնդակը, որն ընթերցեց Մայր Աթոռի վարչատնտեսական բաժնի տնօրեն Մուշեղ եպս Բաբայանը: Հայրապետական կոնդակում ասվում է. «...Սիրելի՛ պրն հաջատրյան, ճանաչում ենք Ձեզ անձնապես եւ քաջատեղյակ ենք Ձեր բեղմնավոր գործունեությանը: Դուք տասնյակ տարիներ նվիրյալ, ազգօգուտ աշխատանքով բարի ավանդ եք բերում հայ մշակույթի, մասնավորապես հայ կինոյի զարգացման գործին՝ ի սպաս դնելով աստվածաբազմ Ձեր շնորհներն ու կարողությունները: Ձեր հեղինակած Ֆիլմերը բազմիցս մրցանակների են արժանացել միջազգային հեղինակավոր փառատոներում՝ պատիվ բերելով շնորհաշատ հայրորդու: Ձեր վաստակն այսօր արժանապես գնահատված է պետական ու հասարակական բազմաթիվ պարգևներով ու կոչումներով:

Այսօր առիթ ունենք անդրադառնալու «Ոսկե ծիրան» միջազգային կինոփառատոնի հիմնադրման գործում Ձեր գնահատարժան վաստակին: Գոհունակություն է Հայրապետին համար, որ Ձեր ջանքերով «Ոսկե ծիրանը» դարձել է մեր երկրի մշակութային կյանքի կարենության իրադարձություններից մեկը՝ արդյունավորապես ծառայելով հայ կինոարվեստի եւ հայ մշակույթի ճանաչմանն աշխարհում եւ հնարավորությունն ընձեռելով արվեստասեր մեր ժողովրդի զավակներին հաղորդ դառնալու հայ եւ համաշխարհային կինոյի լավագույն ձեռքբերումներին»:

Այնուհետեւ Սորին Սրբությունը մեծարյալի կուրծքը զարդարեց Հայ Եկեղեցու պատվո բարձր շքանշանով: Այս առիթով երախտագիտության խոսք ասաց տիար Հ. Խաչատրյանը՝ հավաստիացնելով, որ պիտի շարունակի մալ Մայր Աթոռի նվիրյալը եւ իր արվեստով ծառայել Հայոց Եկեղեցուն:

Հանդիսությունն ամփոփվեց Ամենայն Հայոց Կաթողիկոսի օրհնության խոսքով: Ողջունելով «Ոսկե ծիրան» միջազգային կինոփառատոնի՝ Մայր Աթոռ Սբ. Էջմիածին ժամանած մասնակիցներին՝ Ամենայն Հայոց Հայրապետը նշեց. «Գոհունակությամբ ենք

անդրադառնում, որ կինոփառատոնը կայացած ավանդույթ է դարձել՝ հոգեւոր-մշակութային մեր կյանքում: «Ոսկե ծիրանն» իր ուրույն տեղն ունի կինոաշխարհի բազմաթիվ փառատոների մեջ. այն հրաշալի հնարավորություն է ընձեռում կինոարվեստի շնորհաշատ ստեղծագործողներին՝ մասնագետների ու հանրության դատին ներկայացնելու իրենց աշխատանքի արդյունքները: Հիմնադրման օրվանից կինոփառատոնը ստանձնել է քաղաքակրթությունների ու մշակույթների երկխոսության մի բարձր առաքելու-

րան» միջազգային կինոփառատոնի աշխատանքներին»:

Սորին Սրբությունը նաեւ անդրադարձավ Փրանսահայ կինոռեժիսոր եւ դերասան Ռոբեր Գեղիգյանին «Եղիցի լույս» մրցանակը հանձնելու փաստին՝ իր շնորհավորանքներն ու օրհնությունը բերելով մեծանուն ռեժիսորին:

«Տիար Գեղիգյանը, լինելով Հայոց ցեղասպանությունը վերապրած սերնդի շահավիղների ներկայացուցիչներից, 2015 թվականին, երբ ազգովի ողբերգում ենք Հայոց ցեղասպանության 100-րդ տարեկիցը, աշխարհին է ներկայացնում «Խենթ» պատմությունը՝ վերտառությամբ հեղինակային Ֆիլմը, որը պատմում է Հայոց ցեղասպանության, դրա հետեւանքների եւ Թուրքիայի կողմից մինչ օրս տարվող



քին. Կարապետյանը եւ Մայր Աթոռ Սբ. Էջմիածնի հոգեւոր-կրթական հաստատությունների վերատեսուչ, Գեղորդյան հոգեւոր ճեմարանի տեսուչ Գեորգ եպս Սարոյանը:

Այնուհետեւ խոսք ասաց փառատոնի հիմնադիր տնօրեն Հարություն Խաչատրյանը՝ երախտագիտությամբ անդրադառնալով արվեստի նկատմամբ Վեհափառ Հայրապետի ցուցաբերած ուշադրությանը, Մայր Աթոռ Սբ. Էջմիածնի եւ «Ոսկե ծիրան» փառատոնի միջեւ ձեւավորված սերտ համագործակցությանը, ապա ներկայացրեց մրցանակակրի վաստակը:

Մայր Աթոռի Եկեղեցական հայեցակարգային հարցերի գրասենյակի պատասխանատու Բագրատ եպս Գալստայանն ընթերցեց «Եղիցի լույս» մրցանակի հայրապետական վկայագիրը, որով հաստատվում է, որ «Ոսկե ծիրան» միջազգային կինոփառատոնի շրջանակներում հոգեւոր, մշակութային

բանի համար, որ մրցանակի անունը՝ լույսը, ուղղակիորեն կապված է կինոարվեստի հետ: Ֆիլմն ինձ համար լույս է մթության մեջ, որը կարող է օգնել մարդկանց դուրս գալ խավարից, փոքրից գնալ դեպի մեծը... Այս է պատճառը, որ ես մշտապես այն համոզում եմ ունեցել, որ կինոն ուղղակիորեն կապված է կրոնի հետ, եւ հավատացած եմ, որ փառատոնը, որի ժյուրիի նախագահն եմ այսօր, հարուստ է բազմաթիվ լույսերով»:

Գարեգին Բ Վեհափառ Հայրապետի օրհնությամբ տեղի ունեցավ նաեւ պարգևատրվողություն: Հայաստանյայց Առաքելական Սբ. Եկեղեցու «Ս. Սահակ - Ս. Մեսրոպ» պատվո բարձր շքանշան հանձնվեց «Ոսկե ծիրան» միջազգային փառատոնի հիմնադիր տնօրեն Հարություն Խաչատրյանին՝ առ ի գնահատություն վերջինիս երկար տարիների վաստակալ գործունեության:



թյուն՝ ծառայելով ընդհանուր բարիքի, մարդկանց ու ժողովուրդների միջեւ համերաշխության ու խաղաղության ամրապնդմանը, արժեքներ, որոնց ջատագովը մշտապես եղել է քրիստոնեական ավանդույթներով հարուստ մեր Հայաստան աշխարհը:

«Ոսկե ծիրան» կինոփառատոնը նշանակալի իրադարձություն է հայաստանյան մեր իրականության մեջ, որ նոր շունչ ու ազդակ է հաղորդում հայ կինոարվեստին՝ հարթակ դառնալով նոր ստեղծագործությունների արարման, փորձի փոխանակման, նոր կապերի ու հարաբերությունների հաստատման: Կինոփառատոնի արձանագրած ձեռքբերումներն արդյունք են փառատոնի կազմակերպիչների ու գործակիցների նվիրյալ ու հետեւողական ջանքերի, հայրենի պետության աջակցության եւ մասնակիցների խանդավառ ներգրավվածության:

Ուրախ ենք, որ մեր Եկեղեցին եւս իր ներդրումն է բերում «Ոսկե ծի-

ժստողական քաղաքականության մասին: Ինչպես հեղինակն ինքն էլ նշում է, սա ոչ միայն Հայոց ցեղասպանության 100-րդ տարեկիցն է, այլեւ Թուրքիոյ պետության ժխտողականության 100-ամյակը:

Ռոբեր Գեղիգյանի անցած ստեղծագործական ուղին լավագույն վկայությունն է, որ հայ ժողովրդի ստեղծագործ ոգին անհնար է ոչնչացնել. ոչ մի արհավիրք եւ թշնամություն չի կարող սպանել մեր ժողովրդի հոգում կյանքի հանդեպ սերը, արդարության եւ ազատության համար պայքարի կամքը: Նա իր օրինակով հավաստում է, որ հայ ժողովուրդը Հայրությանը հավատացող ազգ է՝ այդ տեսիլքով ապրող եւ արարողը»:

Վերջում Հայոց Հայրապետն իր օրհնությունը փոխանցեց փառատոնի բոլոր մասնակիցներին ու մրցանակակիրներին՝ ի խորոց սրտի արդթով նորանոր հաջողություններ մաղթելով «Ոսկե ծիրան» միջազգային կինոփառատոնին:

Քահանայական ձեռնադրություն Մայր Աթոռ Սբ. Էջմիածնում



Հուլիսի 26-ին, օրհնությամբ Ս. Ս. Օ. Տ. Տ. Գարեգին Բ Ճայրագույն Պատրիարք եւ Ամենայն Հայոց Կաթողիկոսի, Մայր տաճարում մատուցվեց Պատարագ, որի ընթացքում կատարվեց նաեւ քահանայական ձեռնադրություն:

Պատարագից եր Մայր Աթոռ Ս. Էջմիածնի քրիստոնեական դաստիարակության կենտրոնի տնօրեն Վարդան եպս Նավասարդյանը, որի ձեռամբ քահանայական ձեռնադրություն եւ օծում ստացավ յոթ սարկավագ:

Պատարագի ընթացքում Վարդան սրբազանը քահանայության կոչեց նորընծաներին՝ մյուռնով օծելով նրանց ճակատներն ու ձեռքերը՝ վերջիններս շնորհելով հոգեւոր նոր անուններ:

Հայկ սրկ. Թադևոսյանը վերապետեց Թադեոս քին., Արտակ սրկ. Վարդանյանը՝ Թորգոմ քին., Ավետիս սրկ. Ասատրյանը՝ Արշավիր քին., Վարդան սրկ. Չեխայանը՝ Պարգե քին., Արման սրկ. Շոխիկյանը՝ Գրիգորիս քին., Դավիթ սրկ. Ղարիբյանը՝ Կարապետ քին., Ար-

ման սրկ. Մարտիրոսյանը՝ Աբրահամ քին.:

Ձեռնադրության ավարտին նորընծա քահանաները ներկաներին փոխանցեցին իրենց անդրանիկ օրհնությունը:

Այնուհետեւ ձեռնադրող սրբազանը, քահանաների ձեռնադրության կապակցությամբ շնորհավորելով Ամենայն Հայոց Հայրապետին, հոգեւորականաց դասին, նորաձեռնադրյալների ծնողներին եւ հավատացյալ ժողովրդին, մասնավորաբար նշեց. «Հայաստանյայց Առաքելական Սբ. Եկեղեցին դարձյալ իր՝ դարերով շարունակվող հաղթական արշավն է ուղենշում, եւ այս օրն այդ ընթացքի մեջ Հայության հաղթական խորհրդի եւ Աստծո ներկայության շնորհի մեծ վկայությունն է:

Հայոց Եկեղեցին, սիրելիներ, հաստատված լինելով ճշմարիտ Վեմի՝ մեր Տեր Հիսուս Քրիստոսի ճշմարիտ խոսքի վրա, առաքելական շարունակականությամբ, սրբազան հայրապետների, վարդապետների, քահանաների եւ սարկավագների արյան վկայությամբ, անսակարկ ինքնանվիրումի եւ ծառայության արդյունքում Տիրոջ մարմնի ծառայությամբ շարունակում է իր առաքելությունը...»:

Սրբազան հայրը, դիմելով նորընծա քահանա հայրերին, ընդգծեց,



որ նրանց ծառայությամբ Աստված է գործելու, եւ հորդորեց, որ վերջիններս սրտեղ մշտապես մոտ լինեն իրենց հանձնված հոտին, ապրեն նրա կյանքով, հովվական խոսքի միջոցով իրենց հոտի վիշտը մխիթարության վերածեն, եւ ինչպես սրբազան հայրապետների ու առաքյալների, վարդապետների ու մեծանուն քահանաների պարագայում էր, այսուհետեւ նորածնների միջոցով Տերը եւս պիտի գործի երկրի վրա:

Այս «Ողջույնի» ժամանակ Մայր Աթոռի միաբանները բարձ-

րացան ս. Խորան՝ շնորհավորելու քահանաներին եւ համբուրելու նրանց մյուռնաբույր ճակատներն ու ձեռքերը:

Երեկոյան կատարվեց վեղարի տվության արարողություն: Գրիգորիս քահանան կատանա վեղար եւ կիսամարի Մայր Աթոռի միաբանության շարքերը:

Քառասնօրյա պահեցողությունից եւ պատրաստության շրջան անցնելուց հետո նորընծաները ծառայության կկոչվեն Հայ Եկեղեցու տարբեր թեմերում եւ կառույցներում:

Հունիսի 22-ին, հանդիսապետությամբ Ն. Ս. Օ. Տ. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսի, ներկայությամբ Հայաստանի Հանրապետության նախագահ Սեդ Սարգսյանի, տեղի ունեցավ Նոր Հաճն քաղաքի Նորակառուց եկեղեցու օծման հանդիսավոր արարողությունը:

Վանակոչությունը: Վեհափառ Հայրապետը Նորակառուց եկեղեցին կոչեց Ա. Ամենափրկիչ:

Այնուհետև Գարեգին Բ Ամենայն Հայոց Կաթողիկոսն այս ուրախալի առիթով իր օրհնության պատգամը բերեց արարողության մասնակիցներին եւ Նոր Հաճնի բնակիչներին:



կիսի ծաղկուն քաղաքներից էր, որի հայ բնակչությունը՝ շուրջ 30.000 մարդ, հարյուր տարի առաջ տարհանվեց եւ աքսորվեց դեպի Դեր Չոր, որտեղ նրանց մեծ մասը դաժանաբար կոտորվեց: Փրկվածները վերադարձան իրենց հայրենի բնաշխարհի, ձեռնամուխ եղան վերականգնելու իրենց տները, շարունակելու իրենց խաղաղ կյանքը, սակայն 1920 թ. կրկին հայտնվեցին բնաջնջման սպառնալիքի առջեւ: Զեմալական գերակշիռ ուժերի դեմ 8 ամիս շարունակվեց Հաճնի հերոսամարտը: Եվ հատկանշական է, որ քաղաքի ինքնապաշտպանությունը գլխավորում էր Հաճնի արիասիրտ առաջնորդ Պետրոս եպս Սարաճյանը, ով Զրիստոսի օրինակին հետեւելով՝ պատրաստ էր իր կյանքը տալու հանուն իր հոտի փրկության: Զաքարի հայրորդը՝ հավատարիմ իրենց հայրենիքին ու հավատքին, աղոթքը շրթներին, կյանքի գնով պաշտպանում էին հայրենի սրբությունները: Ընտրիվ ինքնապաշտպանության՝ փրկվեցին մեր ժողովրդի շատ զավակներ, իսկ տասնամյակ անց հաստատվեց Նոր Հաճն ավանը, որն ընդարձակվեց, քաղաք է դարձել՝ վկայելով մեր ժողովրդի վերածնունդը եւ հավատքով նորոգվող կյանքը:

Այսօր Նոր Հաճնում վեր է հանել եւ մեր աղոթքները երկինք է բարձրացնում Սբ Ամենափրկիչ եկեղեցին, որի օծման այս հո-

գային կյանքը, մեզ առավել եւս պիտի միափորի մեր հավատքը, որպեսզի մեր ամեն կարեւորությամբ շենացնենք մեր երկիրը ու պայծառ պահենք մեզ՝ դեպի փրկություն առաջնորդող մեր Սբ Եկեղեցին:

Հավատում ենք, որ Ամենափրկիչ՝ մեր Տիրոջ սբ անունը կրող այս նորաշուք եկեղեցին միշտ լեցուն պիտի լինի հավատացյալներով եւ ձեր աղոթքներով, ձեր աղոթք, քաջ ու դրվատելի գործերով, եւ ձեր հավատավոր ընթացքով Աստծո շնորհներն ու օրհնությունը պիտի առատանան մեր կյանքում:

Այնուհետև իր բարձր գնահատանքը բերեց տեղ եւ տիկին՝ Կոլյա եւ Ռոզա Ծառուկյաններին եւ նրանց զավակին՝ Գագիկ Ծառուկյանին, որոնց ազնիվ հանձնառություններով հայրենի երկրում վեր խոյացավ վեցերորդ եկեղեցին: Բարձր գնահատելով Ծառուկյան ընտանիքի եկեղեցաշեն գործունեությունը եւ Հայ Եկեղեցուն մատուցած օգտաշատ ծառայությունները՝ Ամենայն Հայոց Կաթողիկոսը հայրապետական սրբատառ կոնդակով տեր եւ տիկին՝ Կոլյա եւ Ռոզա Ծառուկյաններին շնորհեց Հայաստանյայց Առաքելական Սբ Եկեղեցու «Սուրբ Գրիգոր Լուսավորիչ» պատվո բարձրագույն շքանշանը:

Շքանշանի հանձնումից հետո Հայոց Հովվապետը նվիրյալ ծառայության համար իր

Ամենայն Հայոց Կաթողիկոսի ձեռամբ օծվեց Նոր Հաճն քաղաքի Սբ Ամենափրկիչ եկեղեցին

Եկեղեցին, որի հիմնարկերը կատարվել էր 2011 թվականին, կառուցվել է տիար Գագիկ Ծառուկյանի բարերարությամբ: Եկեղեցու նախագծի հեղինակն է ՀՀ վաստակավոր ճարտարապետ Արտակ Ղուլյանը:

Ամենայն Հայոց Հայրապետին եւ ՀՀ նախագահին դիմավորեցին Կոտայքի թեմի առաջնորդ Առաքել արք. Բարամյանը, եկեղեցու բարերար Գագիկ Ծառուկյանը, Կոտայքի մարզպետ Կարապետ Գուլոյանը, Նոր Հաճնի քաղաքապետ Գագիկ Մաթեոսյանը եւ բազում հայորդիներ:

Նորին Սրբությունը, իր հայրապետական օրհնությունը բաշխելով ներկաներին, հոգեւորականաց դասի ուղեկցությամբ մուտք գործեց Նորակառուց եկեղեցի, ուր սկսվեց օծման կարգը:

Շարականների եւ սաղմոսների երգեցողությունից, աղոթքների ընթերցումից հետո խորան բարձրացվեց սրբալույս մյուռոնը, որով Ամենայն Հայոց Կաթողիկոսը կատարեց եկեղեցու ս. Սեղանի օծումը: Խորանի սյուների, մկրտության ավազանի եւ խորանի շուրթի օծումը կատարվեց ձեռամբ Երուսաղեմի հայոց Պատրիարքության դիվանապետ Արիս արք. Ծիրվանյանի, Արարատյան հայրապետական թեմի առաջնորդական փոխանորդ Նավասարդ արք. Կճույանի, Մայր Աթոռի արտաքին հարաբերությունների եւ արարողակարգի բաժնի տնօրեն Նաթան արք. Հովհաննիսյանի, Տավուշի թեմի առաջնորդ եւ Մայր Աթոռի եկեղեցական հայեցակարգային հարցերի գրասենյակի տնօրեն Բագրատ եպս Գալստասյանի եւ Մայր Աթոռի վարչատնտեսական բաժնի տնօրեն Մուշեղ եպս Բաբայանի:

Օծումից հետո կատարվեց եկեղեցու ան-

«Մեծ է քոյորիս ուրախությունն այսօր. Հայոց աստվածօրհնյալ երկնակամարի ներքո մի նոր աղոթատունը՝ Նոր Հաճնի շքեղաշուք Սբ Ամենափրկիչ այս եկեղեցին, իր դռներն է բացում հավատավոր մեր ժողովրդի առջեւ: Գոհություն ենք մատուցում երկնավոր Տիրոջը, որ հերթական անգամ Մեզ առիթն ու հնարավորությունն է ընձեռում կատարելու Նորակառուց եկեղեցու օծման հոգեւորագ արարողությունը:

Միջբեկներ, եկեղեցին փրկության տապանն է, որն այս կյանքի խռովահույզ ծովում մեզ առաջնորդում է դեպի խաղաղության հանգրվան՝ դեպի քաղաքի նավահանգիստը փրկության, որն Աստված է պարգևում: Զրիստոսյայի երկրավոր կյանքի ճանապարհն ուղեւորություն է դեպի այդ օրհնյալ հանգրվանը, որին առանց եկեղեցու առաջնորդության անհնար է հասնել: Ինչպես Ընդհանրական Եկեղեցու հայրերից սբ Կիպրիանոսն է ասում. «Չիք փրկութիւն յարտաքոյ եկեղեցոյ»: Տուրքքանյութը նորաօծ եկեղեցու հետ մեր կյանքում բացվում է երկնային շնորհների եւ օրհնության մի նոր աղբյուր՝ գորացնելով առ Աստված հավատքը եւ առավել հաստատուն դարձնելով հույսը դեպի փրկություն: Փառք Տիրոջը, որ Սբ Ամենափրկիչ եկեղեցու միջոցով փրկագործ այս առաքելությունը գործանարու եւ արգասավորվելու է նաեւ Նոր Հաճն քաղաքում:

Մենք Աստծո նախախնամությունն ենք տեսնում, որ Հայոց ցեղասպանության 100-րդ տարեկից նվիրական այս օրերին է օծվում եւ մեր ժողովրդի կյանքում իր առաքելությունն սկսում Նոր Հաճնի Սբ Ամենափրկիչ եկեղեցին: Հաճնը պատմական Կիլի-



գեզվարթ եւ լուսավոր օրը Մեր միտքն են գալիս առաքյալի աստվածաշունչ խոսքերը, թե «...ամենայն ոք, որ Տիրոջ անունը կանչի, կփրկվի» (Հռոմ. Ժ 13): Այս հավատքով մեր ժողովուրդը դիմակայել է պատմության փորձություններին, ի գործու եղել վեր հանելու մահվան ճիղիկներից եւ նոր կյանք կառուցելու: Հայոց ցեղասպանությունից հետո աշխարհով մեկ սփռված հայությունը, Առաքելական մեր Սբ Եկեղեցու շուրջ համախմբված, կարողացավ պահպանել ազգային իր դիմագիծը, Աստծո անունը կանչելով՝ հաղթահարեց նեղությունները եւ հավատաց իր լուսավոր ապագային: Այսօր, երբ ազատ է մեր հայրենիքը, երբ նոր շունչ է առնում մեր հոգեւոր եւ ազ-

օրհնությունը փոխանցեց Կոտայքի թեմի առաջնորդ Առաքել արք. Բարամյանին եւ հոգեւոր դասին, ինչպես նաեւ իր գնահատանքը բերեց եկեղեցու ճարտարապետ Արտակ Ղուլյանին, շինարարներին եւ բոլոր նրանց, ովքեր իրենց մասնակցությունն են բերել հոյակերտ եկեղեցու կառուցման եւ բարեկարգման աշխատանքներին:

Վերջում Նորին Սրբությունը Նորակառուց եկեղեցուն նվիրեց Տիրոջ խաչելության պատկեր:

Արարողությունը ներկա էին ՀՀ պետական այրեր, ԱԺ պատգամավորներ, օտարերկրյա դիվանագիտական առաքելությունների ներկայացուցիչներ, մշակույթի գործիչներ եւ բազում ուխտավորներ:



Համահայկական 6-րդ խաղերի ջախի օրհնություն

Մայր Աթոռ Սբ Էջմիածնում

Հունիսի 27-ին եկեղեցականների թափուրը Մայր տաճարի զանգերի դողանքների ներքո, հանդիսապետությամբ Ն. Ս. Օ. Ս. Տ. Գարեգին Բ Շայրագույն Պատրիարք եւ Ամենայն Հայոց Կաթողիկոսի, Տրդատակամարի մոտից շարժվեց դեպի Բաց խորան:

Մայր տաճարի երգչախումբը կատարեց ՀՀ պետական օրհներգը, որից հետո օրվա առիթով բացման խոսք ասաց ԶԴԿ-ի տնօրեն Վարդան եպս Նավասարդյանը:

Դամարտիկ Օգսեն Միրզոյանին: Երեք ջախակիրներն իրենց ջախերն իրար միացրին, եւ Օգսեն Միրզոյանը վառեց համահայկական ջախը:

Հավարտ ջախը վառելու արարողության, նախագահությամբ Ամենայն Հայոց Կաթողիկոսի, միասնական՝ Տերունական աղոթքով սկսվեց համահայկական ջախի օրհնության կարգը:

Վերջում ներկաներին իր հայրապետական պատգամը փոխանցեց Գարեգին Բ Վեհափառ Հայրապետ:

որ ձեր հոգում ջերմանում է որդիական սերը մեր եկեղեցու եւ հայրենիքի հանդեպ: Տարակույս չունենք, որ Համահայկական խաղերը շարունակելու են ամրապնդել մեր ժողովրդի գավակների միասնականությունը՝ զորավոր այն ուժը, որի միջոցով պիտի կարողանանք հաղթահարել ազգային եւ հայրենական մեր կյանքում առկա խնդիրներն ու մարտահրավերները:

Հանդիսավոր այս օրը Համահայկական խաղերի բացումն սկսվում է լույսի փոխանցմամբ: Լույսը մաքրության ու սրբության խորհրդանշն է: Այնտեղ, որտեղ լույս կա, խավարն ընկրկում է, չարիքը՝ պարտվում, եւ մեղքը՝ հալածվում: Ավետարանի խոսքի համաձայն՝ «լույսը խավարի մեջ լուսավորում է, եւ խավարը նրան չի նվաճում» (Խմտ. Հովհ. Ա 5):

Միջին մարզիկներ, դուք ամենքդ բարձր առաքելություն ունեք՝ լինելու ուժեղ ոչ միայն մարմնով, այլեւ հոգով, լինելու լույսի, արդարության ու ճշմարտության ջախակիրներ, սիրո եւ համերաշխության պաշտպաններ: Թող որ ձեր հոգեւոր լույսը միշտ պայծառ լինի մեր Տեր Հիսուս Քրիստոսով: Համահայկական խաղերի այս ջախը թող զորացնի ձեր միասնությունը: Մարզական այս տոնախմբությունը լավագույն առիթներից է երիտասարդներին մտերմության եւ ընկերական կապերի ստեղծման համար:

Նորին Սրբությունը նաեւ իր գեա-հատանքն ու օրհնությունը բերեց Համահայկական ամառային 6-րդ խաղերի կազմակերպիչներին եւ բոլոր նրանց, ում ջանքերով հնարավոր դարձավ այս խաղերի իրականացումը՝ հայցելով ամենագոր Տիրոջ բոլոր օրհնությունն ու նորանոր հաջողություններ՝ ազգասպաստ այս նախաձեռնությանը: Վեհափառ Հայրապետը նաեւ իր օրհնությունը փոխանցեց բոլոր մարզիկներին՝ մաղթելով նրանց ուժ ու կարողություն, մարզական նորանոր նվաճումներ ու հաղթանակներ՝ բարի



Վարդան սրբազանը, ողջունելով ներկաներին, նշեց, որ օրը շատ խորհրդանշական է, քանի որ Հայոց ցեղասպանության ոգեկոչման 100-րդ տարում Սփյուռքից, Արցախից եւ Արեւմտյան Հայաստանից Համահայկական 6-րդ խաղերի ջախերն ուխտագնացությամբ բերվեցին՝ իմաստավորվելու համար Մայր Աթոռ Սբ Էջմիածնում վառվող ջախի միջոցով, եւ որ Նորին Սրբության կողմից օրհնվելիք ջախերը միության եւ հաղթանակի խորհրդանշներ են:

Ապա մարզական մեկնաբան, հաղորդավար Սլավա Սարգսյանն անդրադարձավ միջոցառման նպատակին եւ համահայկական խաղերի պատմությանը՝ արարողության վայր հրավիրելով ԼՂՀ Շուշի քաղաքի Սբ Ղազարեցոց, Մեծի Տանն Կիլիկիո Կաթողիկոսության աթոռանիստ Սբ Գրիգոր Լուսավորիչ եւ Աղթամարի Սբ Խաչ եկեղեցիներում վառված ջախերը տեղափոխող մարզիկներին:

Համահայկական 6-րդ խաղերի ջախակիրներն էին Բարսեղյանի 1992 թվականի 25-րդ օլիմպիական խաղերի չեմպիոն, հրաձիգ Հրաչյա Պետիկյանը, Բարսեղյանի 1992 թվականի 25-րդ օլիմպիական խաղերի չեմպիոն, ծանրորդ Իսրայել Միլիտոսյանը եւ 2015 թվականի 28-րդ համաշխարհային ունիվերսիադայի (ուսանողական) խաղերի չեմպիոն, մարմնամարզիկ Արթուր Թովմասյանը:

Ապա հաղորդավարն ամբիոնի մոտ հրավիրեց Համահայկական խաղերի համաշխարհային կոմիտեի նախագահ, ՀՀ վերահսկիչ պալատի նախագահ Իշխան Չաքարյանին: Վերջինս ընդգծեց Համահայկական խաղերի անցկացման կարեւորությունը՝ ներկայացնելով նշանաբանը՝ «Միասնություն սպորտի միջոցով»:

Իշխան Չաքարյանի ելույթից հետո Սլավա Սարգսյանը Բաց խորանի հարթակի մոտ հրավիրեց համահայկական ջախի ջախակիր մարզիկ, 1988 թվականի Սեուլի 24-րդ օլիմպիական խաղերի չեմպիոն, ծան-

որ. «Ուրախ եմ այսօր Մայր Աթոռ Սբ Էջմիածնում՝ աստվածակառույց այս սրբավայրում, մեկտեղված տեսնել աշխարհասփյուռ հայության ներկայացուցիչներին, որ Հայաստան եր եկել ձեր մասնակցությունը բերելու Համահայկական խաղերին: Հայրական սիրով ողջունում եմ ձեզ՝ մեր ժողովրդի հոգեւոր նկիրական կենտրոնում եւ բերում Մեր օրհնությունն ամենքիդ: Սրտի գոհունակությամբ եմ նկատում, որ արդեն ավանդական դարձած Համահայկական խաղերը տարեցտարի ընդլայնում են իրենց սահմաններն ու մասնակիցների թիվը:



Մեզ բոլորիս համար մեծ խորհուրդ ունի, որ այսօր Անթիպատից, Շուշիից եւ Աղթամարից բերված ջախերը Մայր Աթոռ Սբ Էջմիածնում միավորվում եւ բացվաճավում են մեկ ջախի մեջ: Ամեն հայ, որտեղ էլ ապրի, մկրտության դրոշմի հետ հոգում կրում է Սբ Էջմիածնի եւ Արարատի պատկերը՝ որպես հայ ինքնության անբաժանելի մաս եւ խորհրդանշն մեր ժողովրդի միության ու միասնականության: Այսօր դուք Սբ Էջմիածնում եք, նայում եք Արարատին, եւ Մենք տարակույս չունենք,

երթ մաղթելով Համահայկական ամառային 6-րդ խաղերին՝ վստահություն հայտնելով, որ դրանցում բոլորն են հաղթելու, եւ այդ հաղթանակը հայ ժողովրդի միասնականության ամրապնդման մեջ է լինելու:

Արարողությանը ներկա էին Արմավիրի մարզպետ Աշոտ Ղահրամանյանը, Էջմիածնի քաղաքապետ Կարեն Գրիգորյանը, ՀՀ, ԼՂՀ եւ Սփյուռքի մշակույթի, կրթության, մարզական բնագավառի ներկայացուցիչներ, Մայր Աթոռի միաբանությունը եւ ուխտավոր հայորդիներ:

Նոր նշանակում

Ն. Ս. Օ. Ս. Տ. Գարեգին Բ Շայրագույն Պատրիարք եւ Ամենայն Հայոց Կաթողիկոսի հայրապետական տնօրնությամբ Բագրատ եպս Գալստանյանը նշանակվել է Տավուշի թեմի առաջնորդ:

Բագրատ եպս Գալստանյան (կենսագրություն)

Բագրատ եպս Գալստանյանը (ավագանի անունը՝ Վազգեն) ծնվել է 1971 թ. Գյումրիում: 1988-1994 թթ. ուսանել է Մայր Աթոռ Սբ Էջմիածնի Գեորգյան հոգեւոր ճեմարանում: 1994 թ. ձեռնադրվել է սարկավագ: 1995 թ. գերազանցությամբ ավարտել է ճեմարանը՝ պաշտպանելով ավարտաճառ՝ «Խոսքով եւ փոքրիկս Անձեաճու ժամակարգության մեկնությունն ու աստուածաբանությունը (նորագիտ ձեռագրերով եւ մատենագիտական ուսումնասիրությամբ)» թեմայով:

1995 թ. հուլիսի 23-ին ձեռնադրվել է կուսակրոն քահանա: 1996 թ. նշանակվել է «Էջմիածին» պաշտոնական ամսագրի գլխավոր խմբագիր: Միեւնույն ժամանակ նշանակվել է Նորահաստատ Քրիստոնեական դաստիարակության եւ քարոզչության կենտրոնի փոխտնօրեն՝ վարելով ուսուցիչների պատրաստման ծրագիրը Հայաստանի Արմավիր, Մասիս, Արտաշատ, Ապարան քաղաքներում եւ Երեւանի Ա-



մերիկյան համալսարանում: Հիմնադիր անդամն է քրիստոնեական առաջին «Վանթեղ» հեռուստածրագրի: Գեորգյան եւ Վազգենյան ճեմարաններում դասավանդել է սուրբ Պատարագի մեկնություն, շարականագիտություն եւ Ընդհանուր Եկեղեցու պատմություն առարկաները: 1996-1998 թթ., առկա պաշտոնների գլուխհեռ, եղել է Գարեգին Ա Ամենայն Հայոց Կաթողիկոսի գավազանակիրը: 1998-2000 թթ. սովորել է Անգլիայի Լիդզ քաղաքի համալսարանում եւ Սըրֆիլդի Սբ Հարության աստվածաբանական քոլեջում՝ մասնագիտանալով աստվածաբանական եւ հովվական ուսումնասիրության մեջ՝ ստանալով բակալավրի աստիճան: Միեւնույն ժամանակ եղել է Մեծ Բրիտանիայի հայոց թեմի Մանչեսթրի Ս. Երրորդություն եկեղեցու այցելու հովիվը: 1996-2000 թթ. եղել է Հայաստանում քրիստոնեության պետական կրոն հռչակման 1700-ամյակի կազմակերպման կենտրոնական մարմնի անդամ: 2000 թ. նշանակվել է Սեանի Վազգենյան դպրանոցի տեսուչ: 2002 թ. պաշտպանել է «Հիանդաց օծման խորհուրդի խնդիրը Հայ Եկեղեցում» թեմայով վարդապետական թեզը եւ ստացել մասնավոր վարդապետության 4 աստիճանները: 2002 թ. գլուխհեռ նշանակվել է Նաեւ Մայր Աթոռի տեղեկատվական համակարգի խորհրդի նախագահ, եղել է «Շողակաթ» հեռուստաընկերության տնօրենների խորհրդի նախագահ եւ վարել հեղինակային՝ «Ճանաչե՛ք Ավետարանը» հեռուստահաղորդումների շարքը:

2002-ին գլուխհեռաբար նշանակվել է Արագածոտնի թեմի առաջնորդական տեղապահ: 2003 թ. մայիսին ընտրվել է Հայ Եկեղեցու Կանադայի հայոց թեմի առաջնորդ: 2003 թ. հունիս 22-ին ձեռնադրվել է Եպիսկոպոս: 2008-ին երկրորդ անգամ վերընտրվել է Կանադայի հայոց թեմի առաջնորդ: 2012 թ. սեպտեմբերի 21-ին Սոնրեալի Քոնցրորդիա համալսարանում պաշտպանել է աստվածաբանության եւ կենսաբանական բարոյագիտության դոկտորական թեզ՝ «Հայաստանի առողջապահական համակարգը. պատմական, սոցիալական եւ աստվածաբանական եզրաշերտը, անցյալը, ներկան եւ ապագայի զարգացման հեռանկարը» խորագրով: 2013 թ. նշանակվել է Մայր Աթոռ Սբ Էջմիածնի եկեղեցական հայեցակարգային հարցերի գրասենյակի տնօրեն:

Հրատարակել է աստվածաբանական, հրապարակախոսական, քարոզչության, մշակութային բազմաթիվ հոդվածներ, «Հիանդաց օծման խորհուրդի խնդիրը Հայ Եկեղեցում» աշխատությունը, «Խոհեր» հոգեւոր-խորհրդածական գրքակց:

2013 թ. արժանացել է Անգլիայի Եղիսաբեթ Բ թագուհու աղամանդա հոբելյանի մեդալին:

Լրատվական նյութերը՝ ՄԱՅՐ ԱԹՐՈՒ ՍՈՒՐԵ ԷԶՄԻԱԾՆԻ ՏԵՂԵԿԱՏՎԱԿԱՆ ԶԱՄԱԿԱՐԳԻ



Չարենցը ինչո՞ւ գրեց «Լենինն ու Ալին» պոեմը:

Ինչո՞ւ Լենինի մահվան լուրն այդպես ծանր տարավ Ալին, եւ ինչո՞ւ Չարենցը համաշխարհային պրոլետարիատի առաջնորդի մահվան թառանգը ինչեղբեղ հատկապես թուրք աշխատավոր Ալիի անունից:

Լենինը մահացել է 1924 թ. հունվարի 21-ին: Այդ կապակցությամբ Չարենցը նույն թվականի հունվարի 23-ին Մոսկվայում գրեց «Լենին» սգերգը (տպ.՝ «Վերելք», 1924, թիվ 2-3): Ըստ Միքայել Մազմանյանի հուշերի՝ թույլտվությամբ Չարենցը ներկա է եղել Արհմիությունների տան սյունազարդ դահլիճում, որտեղ դրված էր Լենինի դագաղը:

Լենինի կերպարի անդրադարձով Չարենցը գրել է նաեւ «Ես եւ Իլիժը» (1923, Թիֆլիս, տպ.՝ «Նորք», 1924, գիրք 4) պոեմը, ինչը ենթադրանքով է «Մի եպիգրո իմ ճանապարհորդությունից»՝ կատարված Ուելսի ժամանակի մեքենայով դեպի 2500 թ.», «Բալլադ Վադիմի Իլիժի, մուծիկի եւ մի գույզ կոշիկի մասին» (գրել է 1924-ին, տպ.՝ «Խորհրդային Հայաստան», 1925, թիվ 164, գետեղվել է «Երեք փոքրիկ պոեմ

Եղիշե ՉԱՐԵՆՑ

ԸՆԿԵՐ ԱԼԻՆ ԵՒ ԵՐԽԱՊԵՂ ԼԵՆԻՆԸ

(«ԼԵՆԻՆՆ ՈՒ ԱԼԻՆ»)

«Լենին» շարքից՝ գրքում, 1925, Բեռլին, «ժողովածու պոեմների», 1927, Թիֆլիս, «Երկեր», Երեւան, 1932) բալլադը, «Լենին քեռին» (գրել է 1924-ին, առաջին անգամ տպագրվել է «Երեք փոքրիկ պոեմ «Լենին» շարքից» գրքում, 1925, Բեռլին, ինչպես նաեւ՝ «ժողովածու պոեմների» (1927, Թիֆլիս) եւ «Երկեր» (1932, Երեւան) գրքերում:

Եվ ահա հաջորդում է «Լենինն ու Ալին» պոեմը:

Գրել է 1924 թ. նոյեմբերի 24-ին Տրապիզոնում (տպ.՝ «Խորհրդային Հայաստան», 1925, թիվ 17): Նույն թվականին Երեւանում պետհրատը լույս է ընծայել առանձին գրքով: Երկու դեպքում էլ ետգրության տեսքով Չարենցը պոեմին կցել է ծանոթություն. «P. S. Դոեմի կյուրը վերցված է իրականությունից: Տրապիզոնի մեր համամիութենական հյուպատոսն ինձ պատմեց, որ Լենինի մահվան լուրը Տրապիզոն հասնելու օրը՝ կես գիշերին, իր մոտ է գալիս Ալի անունով մի թուրք նավաստի՝ իր վիշտն ու հարգանքը հայտնելու: Կարծում եմ՝ դեպքն արժանի է ավելի լավ պոեմի, քան սա»:

Այս պոեմը «Բալլադ...»-ի եւ «Լենին քեռին»-ի հետ մեկտեղ Չարենցը 1925 թ. առանձին գրքով տպագրել է Բեռլինում՝ «Երեք փոքրիկ պոեմ «Լենին» շարքից» վերնագրով:

«Լենինն ու Ալին» ընդգրկում է 202 տող, պահպանվել է ինքնագիրը, կան բնագրային տարբերություններ:

Հիմա տեսնենք, թե Չարենցը ինչու գրեց այս պոեմը:

Թո՛ւրքը, ով ցեղասպանություն էր իրականացրել, գրավել էր Չարենցի հայրենի քաղաքն ու սրի էր քաշել բնակիչներին, կախել էր հայոց առաջնորդներին, թուրքը, ում մարդասպան կերպարը Չարենցն ուրվագծել է բազմաթիվ գործերում («Դանթեական առասպել», «Մահվան տեսիլ» (1920, 1933), «Երկիր Նաիրի», առանձին

բանաստեղծություններ), ահա այդ թուրքն ինչպե՞ս հանկարծ Չարենցի համար դարձավ դրական կերպար:

Լենինը ձեռք մեկնեց թուրքերին. Աթաթուրքը Լենինին վատահեղեցեց, որ աշակից է համաշխարհային հեղափոխությանը: Լենինը թուրքերին տվեց զենք, տվեց ոսկի եւ օգնեց, որ ուղքի կանգնեն, Խորհրդային Հայաստանի համար նվաստացուցիչ պայմաններով կնքեց Կարսի պայմանագիրը եւ Թուրքիայի թելադրանքով Ադրբեջանին զիջեց Նախիջևանն ու Արցախը: Լենինի համար Թուրքիան ավելի կարեւոր էր, քան Խորհրդային Հայաստանը, որ պատմական այդ իրադրությունից դուրս եկավ ոչնչացված:

Մուստաֆա Զեմալը վարեց շատ ճկուն քաղաքականություն: Հաճույացավ ոչ միայն Լենինին, այլեւ նրա հակառակորդներին, ովքեր տեսնելով Ռուսաստան-Թուրքիա սերտացող քաղաքական դաշինքը՝ ամեն ինչով կաշառեցին Թուրքիային, որպեսզի պոկեն Ռուսաստանի հայտարարած համաշխարհային հեղափոխությունից: Արեւմուտքը վտանգ էր զգում՝ չլինի՞ Թուրքիան եւս դառնա խորհրդային մի հանրապետություն:

Եվ ահա Չարենցը Լենինի մահը ողբում է թուրք Ալիի միջոցով: Նյութի իրական հիմքը, Ալիի պարզ աշխատավոր լինելու հանգամանքն ավելի են սրում պոեմի շեշտադրումը: Լենինի մահը ողբում է ոչ թե հայ մարդը, հայ աշխատավորը, այլ թուրքը, ով էլ ողբով իր երախտիցն է հայտնում Թուրքիայի հանդեպ Լենինի դրսեւորած բարյացակամ վերաբերմունքի հանդեպ: Լենինը բարեկամի կերպար էր Թուրքիայի համար:

Այո՛, Չարենցն այս տարիներին (1922-1925 թթ.) պրոլետարական գաղափարախոսության արտահայտիչ էր, բայց ոչ երբեք ազգային գոհաբերման հաշվին, եւ դա այն դեպքում, երբ իր շուրջ Ն. Չարյանը, Ա. Վշտունին, Վ. Ալազանը եւ մյուսները փոր-

ձում էին ազգային ուրանալ րոպե առաջ: 1926-ից սա պիտի փոխվեր, հետո հիասթափվեք, ապրեք ի՞ր եւ ի՞ր ժողովրդի ողբերգությունը ստալինյան հալածանքների պայմաններում եւ գրեք, թե ինչպես «ընդձայն ազգաբաժնի» դարձավ «արյունալի կեսօր»:

Չարենցը հոգեբանորեն եւ գաղափարապես ապրեց բոլոր հեղափոխությունների բնորոշ երեք փուլերը, ինչն արտահայտվում է հետեւյալ բանաձեռով. խելոքները մտածում են, նվիրյալներն իրականացնում են, սրիկաները վայելում են: Չարենցն այն խելոքների հետ էր, ովքեր մտածում էին աշխարհը դրական ընթացքով փոխելու մասին, խոսքով ու գործով այն նվիրյալների շարքերում էր, ովքեր դուրս եկան հրապարակ եւ փոխեցին կյանքը, բայց երբ եկավ սրիկաների ժամանակը, ովքեր սրի քաշեցին խելոքներին ու նվիրյալներին եւ հեղափոխությունը ծառայեցրին ինչ-ինչ անհատների, Չարենցն արդեն նրանց դեմ էր:

Ահա «Լենինն ու Ալին» Չարենցը գրեց այն ժամանակ, երբ դեռ փորձում էր կյանքում արմատավորել հեղափոխության գաղափարները (չեմ ասում նվաճումներն ու ձեռքբերումները, այլ հենց գաղափարները):

Հիմա տեսնենք, թե ինչպես է Չարենցը գեղարվեստորեն մարմնավորել իր ասելիքը:

Սա, այն տարիների լեզվով ասած, ազիտացիոն պոեմ է (ազիտկա), այսինքն՝ քաղաքական պարզ երկ, ինչի համար էլ ընտրել է ժողովրդախոսակցական շատ հասարակ բարբառախառն լեզու, նույնքան պարզ պատում ու դիպաշար:

Չարենցն աշխարհը ներկայացնում է Ալիի պատկերացմամբ, ըստ որի՝ «Աշխարհի կեստրոնը - Մոսկովն է: Մոսկովը՝ Մեկկայից էլ հի՛ն է: Մոսկովից մեծ քաղաք - չի՛ք: - Զանի որ Մոսկովի միջին: Մարում է ինքը - Լենինը»:

Շարունակությունը՝ էջ 7

Ն. ԲԵՐԴՅԱՆԵՎ

ՕՐԵՆԵԻ ԲԱՐՈՅԱԳԻՏՈՒԹՅՈՒՆ


Սկիզբը՝ թիվ 10-11, 13

Սոկրատեսից սկսած՝ հունական բարոյագիտությունն արդեն փորձում էր ազատագրվել հասարակության իշխանությունից եւ օրենքից, փորձում էր ներթափանցել անձի խղճմտանքի մեջ: Սոկրատեսի բարոյական գիտակցությունը բախվում է աթենքյան ժողովրդավարության հետ: Այն՝ որպես օրենքի, սոցիալական առօրեականության զոհ, տապալվում է՝ das Man՝ «այդպես են ասում» հասարակությունները: Սոկրատեսը հռչակում է մարդկանցից ավելի Աստծուն հնազանդվելու սկզբունքը: Իսկ դա նշանակում է, որ Աստծուն, խղճմտանքին, ճշմարտությանը, ներքին մարդուն պետք է հնազանդվել ավելի շատ, քան հասարակությանը, քան սոցիալական առօրեականությանը, քան արտաքին օրենքին: Ներքնապես Սոկրատեսն օրենքի բարոյագիտությունից դեպի շնորհի բարոյագիտություն չի բարձրացել, ինչպես չեն բարձրացել ստոիկները: Բայց նա հսկայական քայլ է արել դեպի առաջ, դեպի անձի բարոյական ազատագրման ճանապարհը, դեպի խղճմտանքի բացահայտման ուղին անձի ներսում եւ ոչ թե հասարակության մեջ: Երբ Պլատոնը «Գորգիոս»-ում գրում է, թե լավ է ինքը փորձես անարդարությունը, քան դա պատճառես ուրիշներին, նա արդեն բարոյական կյանքի եւ բարոյական արժեքների ծանրության կենտրոնը տեղափոխում է անձի խորքերը: Եվ շատ զարմանալի է, որ Պլատոնը հանգում է կոմունիզմին, որը մերժում է անձնավորությանը: Հունական գիտակցությունը երբեք վերջնականապես չի հաղթահարել անհատականության վրա քաղաք-պետության իշխանությունը: Այդ ազատագրումը տեղի է ունենում

միայն քրիստոնեությամբ, որը նշանակում է անցում փրկաբանական շնորհի բարոյագիտության: Օրինադրական բարու ճնշումը մարդու կյանքի եւ աշխարհի վրա արտահայտվում է fiatjustitia, pereatmundus ձեռակերպման մեջ (Արդարությունը թող հաղթանակի, թեկուզ կործանվի ողջ աշխարհը - լատ.): Օրենքի բարոյագիտությունն ինքնին վերցրած՝ հետաքրքրվում է բարիով եւ արդարությամբ, բայց ոչ կյանքով, մարդով, աշխարհով: Այսքան է նրա սահմանը: Օրինադրական բարոյագիտության, սոցիալական առօրեականության եւ համապարտադիր բարոյագիտության հիմքի վրա առաջ է գալիս մարդու ճորտացումը պետության ու հասարակությանը, միապետի, դեկավարի, հարուստի, ծանոթի նկատմամբ ճորտի վերաբերմունքը, ինչպես նաեւ՝ ամբոխի, զանգվածների եւ մեծամասնության: Օրինադրական բարոյագիտության բարոյական դատողություններում մտածողը ոչ թե անձն է, ոչ թե մարդը, այլ սոցիալական առօրեականությունը, տոհմը, կյանքը, դասերը, պետությունը, ազգը, ընտանիքը: Եվ ճշմարտության աստվածային սկիզբն ինքը փոխանցվում է սոցիալական առօրեականության կառույցներին: Օրինադրական, սոցիալական առօրեական բարոյագիտությունը գերապատվությունը տալիս է ոչ թե մարդուն, մարդկային որակներին, ստեղծագործողին, բարեպաշտին, տաղանդին, գիտնականին ու բանաստեղծին, այլ հիերարխիկ աստիճանին, իշխանության կրողին, Եկեղեցու նվիրապետին, միապետին, ընտանիքի գլխավորին, դեկավարին: Սրան է ահա առնչվում օրենքի

ՊԱՐԱՂՈՔՍԱԼ ԲԱՐՈՅԱԳԻՏՈՒԹՅԱՆ ՓՈՐՁԱՌՈՒԹՅՈՒՆ

ՕՐԵՆԵԻ ԲԱՐՈՅԱԳԻՏՈՒԹՅՈՒՆ ԵՎ ՍՏԵՂՃԱՐԱՐՈՒԹՅԱՆ ԲԱՐՈՅԱԳԻՏՈՒԹՅՈՒՆ




բարոյագիտության հիմնական խնդիրը: Օրենքի բարոյագիտությունը չի ճանաչում ներքին մարդուն. այն կարգավորում է արտաքին մարդու կյանքը մարդկային հասարակության նկատմամբ, հենվում է այն բանի վրա, ինչը եւ կոչում եմ արտաքին հիերարխիզմ՝ ի տարբերություն ներքին հիերարխիզմի: Օրենքի բարոյագիտությունը կարող է լինել պահպանողական կամ հեղափոխական: Երկու դեպքում էլ այն ավտորիտար է եւ սոցիալական: Սոցիալական բարոյագիտությունն անհնարին է դարձնում նախագո եւ կուսական բարոյական գործողությունը: Անձի բարոյական գործողությունն ու գնահատականը պատված են սոցիալական խմբերի, ըն-

տանիքների, դասակարգերի, կուսակցությունների, ուղղությունների, դավանանքների, կանխակալ գաղափարների շերտավորումներով, եւ այստեղ ազատ ու մաքուր բարոյական գաղափարների հնարավոր չէ հասնել: Բարոյական կյանքի մեծագույն խնդիրն այն է, որ հասնես մինչեւ նախագո, կուսական բարոյական գործողության՝ չաղծված սոցիալական ներշնչանքներով: Մեր բարոյական գործողություններում հսկայական դեր է խաղում պետությունը: Սակայն պետությունը ոչ միայն Աստծուց է, այլեւ սատանայից:

Անտիկ հեթանոսության եւ հուդայականության մեջ ճակատագրի եւ համաշխարհային բանականության նկատմամբ վերաբերմունքը պարզապես էր: Հույնն ու հռոմեացին (ողբերգություն, ստոիցիզմ) հնազանդ էին ճակատագրին, քանզի ոչ ոք չկար, որ գանգատվեր դրանից: Հնագույն հրեաներն ընդվզեցին, կռվեցին հենց Աստծո հետ (Հոբ, մարգարեներ, սաղմոսներ): Աշխարհի վրա թագավորող միապետական իշխանության օրենքին հակադրեցին կա՛մ սառնասրտությունն ու հնազանդությունը, կա՛մ էլ ընդվզումն ու պայքարն Աստծո դեմ: Բայց մինչ այդ բարձրացել էին Նոյն ու մարգարեները, ողբերգակներն ու անտիկ իմաստունները: Կյանքի հիմնական գիծը ձեւավորվել էր օրենքի իշխանության համաձայն: Հնագույն գրքերում, Մատթի օրենքներում (հին հնդկական կրոնա-բարոյախոսական, իրավական նորմերի ժողովածու՝ կազմված Զ. ա. 3-րդ դարում - թարգ.), Աստվածաշնչում, Թալմուդներում:

Շարունակությունը՝ էջ 8



Սկզբը՝ թիվ 13

Դեյվիդ Խեդիկյանի համար հայերի մասին ունեցած հիշողությունները չափազանց հզոր հուզական լիցք են պարունակում: Նրա առավել ուշագրավ եւ հուզիչ հուշն անցկում է մի ծեր, հայազգի ծերունու: Ոմանք թերեւս կհիշեն, թէ ինչպէս էին առաջին հայ տարագիրները մուտք գործում հասուն տարիք: Այդ մարդիկ հաճախ մենակաց էին, նրանցից շատերը՝ ամուսնու: Նրանք այլեւս գուրկ էին սոցիալական կարգավիճակից, քանզի արդեն թոշակի տարիքում էին: Այդ հայազգի ծերունիները կտրված էին իրենց հայրենիքից: Հաճախ այդ վշտահար մարդիկ իրենց ժամանակն անց էին կացնում գրոսայգիների նստարաններին, հանրախանութների բաց վերնասրահներում կամ էլ հայկական սրճարաններում: «Դըթահ, Դըթահ» բանաստեղծության տիպի պոետական երկերում Խեդիկյանն այդ տարեց հայերին նույնացնում է ամերիկահայերի պահպանած իրենց տակերի հետ: Նրանք, բանաստեղծի պատկերմամբ, կարծես Աստծո խելք գուշակներ լինեին, որոնց իմաստությունը թաղված էր նրանց համառ անհայտության մեջ:

Ծեր ու անանուն հայազգի մի մարդ
Յերեկվա ժամին նստել էր հանդարտ
Աստծո տան մոտի մի նստարանի

Դեյվիդ Խեդիկյանը եւ նրա բանաստեղծական ժառանգությունը

Ու խորհում էր հարազատ ազգի
Ու մեր Տեր Աստծո սքողված կապից:
Ամեն կիրակի հայ այդ ծերունին
Միաձուլվում էր մարդկանց ամբոխին
Խառնվում էր նա մարդկային խմբին
Ու դառնում էր նա անտեսանելի:
Ողջ շաբաթը նա գգոն էր ու արթուն,
Նա ուներ հագին հնամաշ շորեր,
Իսկ նրա դեմքին կար երանություն:
Չարմանում եմ ես, որ որոշ մարդիկ,
Ում հանդեպ տածում էր խղճմտանք
գաղտնի,
Պահպաններն էին այս կենսակերպի
Եվ առհասարակ մարդկային կյանքի:
«Հարգանքի տուրք Արամային»

Հայազգի ծերունիներն աննկատ սողուկում են այն վայրը, որը նրանց պղծամբ՝ իրենցն է: Այսպիսով մարդն ու տեղանքը մեկ միասնություն են դառնում: Կտրված լինելով իրենց հարազատ հողից եւ տենչալով անանուն խորշերում ստանալ համընդհանուր երազանքի իրենց մասնաբաժինը՝ այս մարդիկ վերածվում են «իրենց տակերի», որոնք անցում են կատարում տարագիրների առաջին սերնդից դեպի հաջորդող սերունդները: Նրանց ազդեցիկությունը նրանում չէր, թէ ինչ են ասել կամ արել: Կարելի էր նրանց խորհրդածություններն էին Աստծո եւ համաերկրացիների սրբազան կապի վերաբերյալ: Կշտից համարացած այդ մարդիկ մի «կամուրջ» էին ստեղծել ապագա սերունդների համար: Նրանք ոչ միայն չկորցրեցին իրենց կապը եկեղեցու եւ բնության հետ, այլեւ ստեղծեցին մի լուսավայել տարածություն, որտեղ ներդաշնակվում էին փոփոխություններն ու կայունությունը:

Ավանատների մասին այլ պոետական երկերում Դեյվիդ Խեդիկյանը ներկայացնում է, թէ ինչպե՞ս է ժամանակը միայնացից օտարում սերունդներին, ինչպե՞ս օրինակ՝ «Միջին տարիքի հայրդիկն» բանաստեղծության մեջ: Այստեղ լուրջությունը կանխատեսում է մշակութային պառակտումն այն ժամանակ, երբ Նոր ժամանակ հայ գաղթականները հուզված դեգերում էին իրենց պես լուռ փողոցներում: Հայ տարա-

գիրները ֆրոնտալապես են ներկայացնում մանուկների անսանձ կյանքի ժամանակ: Երեխաները ուշադրություն չեն դարձնում մեծերի խոսակցություններին, որոնց թեման հարազատ մշակույթն էր: Նրանք զայրանում են առկա սահմանափակումների պատճառով: Այստեղ եւս ժամանակը բերում է իր ուշացած պտուղները: «Մեծացած երեխաները» փնտրում են իրենց մեծերին, ովքեր տակավին հոգու խորքում պահպանում են հայրենյաց երկրի հիշողությունը:

Ամերիկյան սրճարաններում նստած երիտասարդները հետ են պահանջում իրենց կորուսյալ հայրենիքը, ինչը մարդկանց մոտ լույս չինժու ժպիտ է առաջացնում: Այս երիտասարդներն այդ պահին նմանվում են Խեդիկյանի պատկերած թռչունի՝ հեծնաթևի հայազգի ծերունիներին: Այս մարդկանց հայրենյաց երկիրը վերածվել է իր դարն ապրած մի իդեալի: Այն, ինչ ամերիկահայ պոետի պատկերած երիտասարդներն ուրվագծում եւ ծրագրում են, շատ ավելի կենսական նշանակություն ունի. խոսքն այն քայլերի մասին է, որոնք անցում են ապահովում անցյալից դեպի ներկան: Այստեղ նրանց անձնական առասպելների թելերը միանում են մեկ կետին:

Թեեւ երկրորդ սերնդին պատկանող հայերը գաղթ չէին տեսել եւ չէին տառապում այն մտնության գագաթնից, որը համակել էր ավագ սերնդին, սակայն նրանք էլ ունեին իրենց խնդիրները: Դեյվիդ Խեդիկյանն իր «Ս. Գ.» վերնագրված բանաստեղծության մեջ ակնարկում է, որ այդ երեխաները նմանական հասուն չափորինակների կարիք ունեին: Այլ կերպ ասած՝ նրանց պետք էին անկախ ծնողներ, որոնք հյու-հնազանդ երեխաների պես կապված չէին լինի հին աշխարհից եկած իրենց հայրերի ու մայրերի հետ: Բանաստեղծը նշված խնդիրն արծարծում է հետեւյալ բանաստեղծության մեջ.

Դժբախտ, անհանգիստ, ձանձրությամբ
լեցուն
Նստում էիր դու սրճարաններում:
Վարում էիր դու մի մեծ բեռնատար,

Դու՝ ծնողներիդ որդին հոգատար:
Ծնողները քո ծեր են, գառամյալ,
Դժվար է նրանց հոգսերը հոգալ,
Ավելի դժվար, քան քաղաքային
Հայազգի միակ մարմնամարզիկին
Հասցնելու իր փառքի գագաթին:
Նրանք քեզ հաղթում են գեթ մեկ
անգամ,
Իսկ դու մեզ հաղթում ես կրկնակի
անգամ,
Եվ որքան էլ շատ մարդ չի մտածում,
Նա բնավ երբեք չի էլ գիտակցում,
Թե ինչու հայ կուռքերը չեն
հասունանում:

Խոսակցական ոճի զգայունությունը եւ ծուղակված եռանդի պատկերները ելք են ապահովում հիասթափության ու անքավարարվածության զգացումների համար: Այդ զգացումներն առաջացան այն ժամանակ, երբ մարդիկ տեսան իրենց կուռքի ճախողումը բարձրագույն լիզայում: Խեդիկյանն իր «Ջեք Թաքթաքայն» էլեգիայում փոխում է տեսակետը՝ գովաբանելով սկզբ շնորհալի որդու ինքնագոհողությունը հանուն իր ընտանիքի: Այս ինքնագոհողությունն առավել ակնհայտ է դառնում ժամանակի ընթացքում: Ծալովի աթոռներին եւ նստարաններին նստած ծերունիների պես Խեդիկյանի պատկերած երիտասարդն ավելի «նեղ ուղի» է ընտրել: Սակայն ժամանակի ընթացքում հայ երիտասարդի սկիզբաժնությունը մի տեսակ «կամուրջ» է վերածվում այս նոր ու օտար երկրի հետ: («Ես հիշում եմ մայր գետը» բանաստեղծությունից, տե՛ս Bedrosian M., The Magical Pine Ring, Detroit, Wayne State University Press, 1991, էջ 171):

Դեյվիդ Խեդիկյանի ընտանիքն անցումային շրջանի ազգային ընտանիքի տիպիկ ներկայացուցիչ է: «Քրոջս» բանաստեղծության մեջ ամերիկահայ պոետը խոսում է այն բոլոր մարդկանց անունից, ովքեր օտարվել են միմյանցից: Նրանք ամոթխած են, ինքնամոռի ու մենակաց: Խեդիկյանի հերոսները ունակ չեն գտնելու «ամոքող նրբագեղություն»՝ ձուլվելով իրենց Նոր երկրի հետ:

Շարունակությունը՝ էջ 8

Եղիշե ԶԱՐԵՆՆՆԻ ԸՆԿԵՐ ԱՎԻՆ ԵՎ ԱՐԽԱՊԱՉ ԼԵՆԻՆԸ («ԼԵՆԻՆՆ ՈՒ ԱՎԻՆ»)

Սկզբը՝ էջ 6

Ուրեմն Մոսկվան ոչ միայն աշխարհի կենտրոնն է, այլեւ ինչ է անգամ մահմեդականների սրբավայր Մեքքայից, ինչը պատմականորեն հավաստի չէ: Մեքքան առաջին անգամ հիշատակվել է 2-րդ դարում, այդտեղ է ծնվել մահմեդականության հիմնադիր Մուհամմադը (Մահմեդ), 7-րդ դարից հռչակվել է մահմեդականների սուրբ քաղաք եւ դարձել ուխտատեղի, եղել է հոգեւոր մշակութային կենտրոն: Մոսկվան տարեգրությունների մեջ հիշատակվում է 1147-ից, 1156-ին իշխան Յուրի Դոլգորուկին փայտով պարսպապատել էր քաղաքը, 14-րդ դարում եղել է Մոսկվայի մեծ իշխանության կենտրոն, 15-րդ դարից (Իվան Երրորդի օրոք) - 1712 թ. եւ 1918-ից առ այսօր Ռուսաստանի մայրաքաղաքը, 1922-1991 թթ.՝ ԽՍՀՄ մայրաքաղաքը: Բայց եականը քաղաքների հին ու Նոր լինելը չէ, եականն այն է, թէ Մոսկվան հատկապես ինչու է այդպես ներգործել Ավիի վրա: Որովհետեւ այնտեղ ապրում է ոչ այլ ոք, քան հեղափոխության առաջնորդ Լենինը, ով Ավիի համար, փաստորեն, ավելի գորեղ անուն է, քան անգամ Մուհամեդը, հակառակ դեպքում, նրա պատկերացմամբ, Մոսկվան Մեքքայից հին չէր լինի:

Ավին ապրում է Տրապիզոնում, նրա հայրենի քաղաքը Մոսկվայից հեռու է եւ անհասանելի է Ավիին: Ըստ պոետի՝ ոտքով չես հասնի, իսկ գնացքն էլ Ավիի բանը չէ: Լենինն Ավիի համար «արխապաչ» (ընկեր) է, «Մեծ է, ինչպես ամենամեծ խալիֆն (խալիֆ - թագավոր, տիրակալ), հասկանում է «Ֆուխարայի հալից» (Ֆուխարա - ժողովուրդ): Եվ ահա այս ամենը բավարար է, որպեսզի Ավին սիրի Լենինին:

Հաջորդում է Ավիի սոցիալական վիճակի նկարագրությունը: Ավին թիավար է, ամիսը ստանում է երեքուկես լիրա (լիրան, ըստ Չարենցի տողատակի ծանոթագրության, հավասար էր մեկ ռուբլուն), Ավին չքավոր է, եւ տերը նրան շահագործում է ինչպես գրաստի: Պարզվում է, որ Ավին Լենինի մասին լսել է մի ռուս նավաստուց, նրանից էլ յուրացրել է մի քանի ռուբլերն քառ՝ «կառն» (xopow, xopow - լավ է): Նույնիսկ՝ «չոք

կառն» (շատ լավ), եւ որ ավելի կարելու է՝ «Լենին վար - // Բուրժույ յո՛կ» (Լենինը կա, բուրժույը չկա): Բուրժույն էլ նրա համար նշանակում է «գանգի, էֆենդի, աղա»: Լենինն Ավիի համար բեյլ (մեծ) խալիֆ է, ով, սակայն, հասկանում է ֆուխարայի հալից: Ահա իր այս չարքաչի սիրով էլ Ավին սիրում է Լենինին:

Հաջորդում է Լենինի մահը՝ «Որբացել է ասես պրոլետարը», քանի որ «Էլ չկա Կարմիր Ղեկավարը», բայց պետք է բռնկեցվել, «Որ մնա՝ բանվորի դիկտատորը»:

Մինչեւ Լենինի մահվան լուրն անցնել՝ ծանոթ ռուս նավաստուց Ավին հետաքրքրվում է Լենինի առողջությամբ. «Կարա՞ն Լենին» (Լենինը լավ է), բայց «սալամ»-ի (բարեւ) եւ «դրաստի»-ի փոխարեն անօգ ասում է կամաց. «- Ավի, Լենին յո՛կ» (Ավի, Լենինը չկա): Ասում է ու գնում:

Գիշերով Ավին գնում է ռուսական հյուպատոսություն, իսկիցը ճանաչում է «Կարդաչ Ալուն»: Չի բացառվում, որ ընկեր Ավին լինի նաեւ թուրք կոմունիստ, իսկ այն, որ բոլշևիկների համակիր է,



ակնհայտ է: Հյուպատոսից նա փորձում է վերջնականապես համոզվել՝ իրոք «Լենին յո՛կ»: Ծանր, բայց խոսուն լուրջությամբ հետո («Լեռնային»: Ինչպես մուրճ՝ տաշող») Ավին սրմնջում է՝ «Նեթ կարա՞ն» (Hexopawo, լավ չէ): Լենինի մահով Ավին իր չարքաչ վիճակն է ողբում՝ «Ավի պոլի: Ավի - աղիոր» (Ավին վատ է, Ավին տխուր է, լավիս է): Եվ վերջը. «Ողջո՛ւյն արխապաչ Ալուն: // Հաղթանակ գործին Իլիչի»:

Ինչ եղավ: Եղավ այն, որ թուրք պրոլետար ընչազուրկ ընկեր Ավին դարձավ Լենինյան պատգամների հերթական գաղափարակիրը:

Ինչո՞ւ այդպիսի մեկը Հայաստանում չկար, որպեսզի սրտանց

ցավեր Լենինի մահվան կապակցությամբ, եւ այդպիսի մեկին Չարենցը գտավ Թուրքիայում... Սա շատ պարզ, բայց խորքի տարողությամբ բարդ հարց է եւ իր լուծումով կրում է Չարենցի հանձնարի դրոշմը:

Չարենցը բացահայտորեն ասում-հասկացնում է, որ հորիզոնային Ռուսաստանի՝ Լենինի բարեկամն ու դաշնակիցը Թուրքիան է եւ ոչ թե եղեռնագար Հայաստանը: Այդ իսկ պատճառով նրա մահը ողբում է ոչ թե հայ Ալեքը կամ Ավիկը, այլ թուրք Ավին:

Դավիթ ԳԱՄՊԱՐՅԱՆ
Բանասիրական գիտ.
դոկտոր, պրոֆեսոր

Ն. ԲԵՐԴՅԱՆԿ



Սկզբը՝ էջ 6

Դորանում կյանքը կազմակերպված է, ենթարկված օրենքին, ամենուր անմաքրության վախ է, արգելքներ, տարու, ամենուր՝ անջրպետներ եւ անջատող կարգախմբեր: Անմաքուր ու մաքուր, արգելք ու արգելքի խախտում. ահա մարդու սկզբնական բարոյական կյանքի հիմնական կարգախմբերը: Արգելքը խախտելու եւ անմաքուր դառնալու վախը բարոյական հիմնական շարժիչն էր: Դա էլ հենց օրենքի բարոյագիտությունն է իր սկզբնական փուլում: Այն ժամանակի ընթացքում ձեռնադրվում է օրինադրության քրիստոնեության ներսում, Կանտի բարոյագիտության մեջ, իդեալիստական նորմատիվիզմում, Օրենքի բարոյագիտության ակունքներում ընկած է կրոնական երկյուղը՝ համարյա կենդանական վախը, որը հետո սուբլիմացիայի է ենթարկվում: Ապականումի եւ արգելքի վախը հետապնդում է մարդուն ընդհուպ մշակույթի ամենաբարձր աստիճաններին՝ ընդունելով սոսկ ավելի նուրբ ձեւեր: Սակայն հիմքում միշտ ընկած է սկզբնական աֆֆեկտը: Օրենքն իր բնույթով միշտ վախեցնում է: Նա չի կերպարանափոխում մարդկային բնությունը, չի ոչնչացնում մեղքը, այլ վախի միջոցով արտաքնապես ու նաեւ ներքնապես մեղքը պահում է որոշակի սահմաններում: Եվ բարոյական կարգն ու կանոնը աշխարհում պահպանվում է առաջին հերթին կրոնական վախով, որը հետո ընդունում է բարոյական օրենքի ձեւ: Այսպիսին են Նախասկզբնական մեղքի հետեւանքները: Դրան պետության ու հասարակության կյանքում համապատասխանում են դաժան պատիժը, մահապատիժը, ո-

ՊԱՐԱԴՈՔՍԱԼ ԲԱՐՈՅԱԳԻՏՈՒԹՅԱՆ ՓՈՐՁԱՌՈՒԹՅՈՒՆ

ՕՐԵՆՔԻ ԲԱՐՈՅԱԳԻՏՈՒԹՅՈՒՆ ԵՎ ՍՏԵՂԾԱՐԱՐՈՒԹՅԱՆ ԲԱՐՈՅԱԳԻՏՈՒԹՅՈՒՆ

րոնց տրվում են բարոյական նշանակություն: Օրենքի բարոյագիտությունը, ինչպես մեղքի բարոյագիտությունը, ճանաչվում է, որովհետեւ նա գիտի վերացական բարին, վերացական բարու նորմերը, բայց չգիտի մարդուն, մարդկային անձնավորությունը, նրա անկրկնելի անհատականությունն ու նրա կյանքի ներանձնական ներաշխարհը: Սրանում է օրենքի բարոյագիտության բացարձակ սահմանը: Սրան հետաքրքիր է մարդը, կենդանի արարածը՝ իր ուրախություններով ու տառապանքներով, այլ՝ մարդուն տրված բարու վերացական նորմը: Օրենքի բարոյագիտության այդ հատկությունն ուժի մեջ է մտնում նաեւ այն ժամանակ, երբ նա դառնում է փիլիսոփայական եւ իդեալիստական եւ հռչակում է մարդկային անձնավորության ինքնարժեքը: Այսպես՝ Կանտի հայացքներում մարդկային անձնավորության սկզբունքը բաժարձակապես վերացական է եւ նորմատիվ, այն առնչություն չունի կենդանի ու անկրկնելի մարդկային անհատականության հետ, որով Կանտը երբեք չի հետաքրքրվել: Կանտի օրենքի բարոյագիտությունն իրեն հակադրում է Եվդեմոնիզմի սկզբունքին, երջանկությանը՝ որպես մարդու կյանքի նպատակ, բայց երջանկությունը եւ Եվդեմոնիզմը հասկանում է իբրեւ բարու վերացական նորմ եւ բնավ չի հետաքրքրվում մարդկային անձնավորության կենդանի անկրկնելի անհատականության երջանկությամբ: Օրենքի բարոյագիտության մտածողության մեջ կա ինչ-որ ճակատագրական ու անելանելի բան, որից մշտապես վրիպում են կոնկրետ ու անհատականը: Ուզածը օրենքի բարոյագիտությունը պետք է ընդունի, որ վերացական բարին վեր է կոնկրետից, անհատական մարդուց, թեկուզ վերացական բարի ասելով՝ պետք է հասկանալ անձնավորության սկզբունքը, երջանկության սկզբունքը: Բարոյականությունը, որը միշտ դատապարտում է մարդկանց, հենց ձևումն է օրենքի: Սակայն այդ բարոյականությունը անբարո է բարձրագույն անօրինադրական բարոյագիտության առջեւ:

Օրենքը ոչ միայն չի հետաքրքրվում անձնավորության կյանքով, այլեւ նրան չի տալիս ուժ իրականացնելու այն բարին, որը պահանջում է նրանից: Սա է օրենքի բարոյագիտության հիմնական հակասու-

թյունը, որն անխուսափելիորեն բերում է փրկաբանական կամ շնորհի բարոյագիտությանը: Օրինադրական անպտուղ առաքիլությունը, որը զուրկ է լիության մեջ կյանք տվող բարեբեր ու բարեգութ էներգիայից, հաճախ հանդիպում է քրիստոնեական ճգնաժամության մեջ, որը կարող է համարվել օրենքի բարոյագիտության մի ձեւ՝ քրիստոնեության ներսում: Վանական-ճգնաժամական թշնամանքը կյանքի հանդեպ, կյանքի հանդեպ ressentiment-ը օրենքի բարոյագիտության հետադիմությունն է փրկաբանական եւ շնորհի կրոնի ներսում. այստեղ կյանքի պայծառացմանը նպաստող ուժեր չկան: Եվ միայն ճգնաժամությունը՝ միստիկայի հետ միավորված, այլ բնույթ է կրում: Բարոյականության օրենքը, բաղաբարոյության օրենքը, պետության եւ իրավունքի օրենքը տնտեսության եւ տեխնիկայի օրենքը, ընտանիքի օրենքը եւ եկեղեցու օրենքն են կազմակերպում, պահպանում ու դատում, երբեմն էլ խեղում կյանքը, բայց երբեք չեն պաշտպանում նրան շնորհի ուժով, չեն լուսավորում եւ չեն պայծառակերպում այն: Օրենքն անհրաժեշտ է մեղսական աշխարհի եւ մարդկության համար, եւ այն չի կարելի մեխանիկորեն արգելել: Բայց օրենքը պետք է հաղթահարվի վերին ուժով, օրենքի անդամ իշխանությունից աշխարհն ու մարդը պետք է ազատագրվեն: Օրինադրական բարոյականության սարսափն այն է, որ նա ձգտում է մարդուն դարձնել առաքիլության ավտոմատ: Առաքիլության անտանելի ձանձրույթը, որը ձևում է ապաբարոյություն՝ հաճախ անչափ թեթեամիտ, օրենքի բարոյագիտության յուրօրինակ դրսևորումն է՝ վերին ոչ մի ուժ չճանաչող: Ըստ էության՝ օրենքի բարոյականությունը կառուցվում է այնպես, կարծես Աստված չկա, առանց Աստծո օգնությունը հաշվի առնելու: Եվ անխուսափելի են պարբերական ընդվզումներն օրինադրական առաքիլության դեմ, ինչպես նաեւ վերադարձն այդ ատելի օրինադրական առաքիլությանը: Այդ ընդվզումները բարոյական երեսյներ են, որոնք պահանջում են իրենց հանդեպ ուշադիր վերաբերմունք: Համաշխարհային կյանքի բոլոր ոլորտներում օրինադրական բարոյագիտության գերակայությունը մեծամասնության օրենքի օբյեկտիվ

արտահայտությունն է, այսինքն՝ դա կարգավանդի անհրաժեշտ կազմակերպությունն է մեծ զանգվածների կյանքի, մարդկության մեծ մասի, ինչպես նաեւ բնության կյանքում մայրերի մեծ զանգվածի: Սրանում է օրենքի տիեզերական իմաստը: Ազատությունն էլ, որ հակադրվում է օրենքի անսահմանափակ իշխանության դեմ կյանքի բոլոր ոլորտներում, ընդհակառակը փոքրամասնության օրենքի արտահայտությունն է, այն առաջին հերթին հետաքրքիր է փոքրամասնություն կազմող հոգեւոր ազնվականության համար: Ազատությունն ազնվականական է եւ ոչ թե ժողովրդավարական: Փոքրամասնության ազատությունը սովորական է, նույնիսկ կապված է մեծամասնության օրենքի պարտադիր զսպվածության հետ: Այս է պատմության մեջ ազատության պարադոքսը: Ազատության ստեղծարար միտքն ազնվականական է: Սակայն կյանքի եւ մտքի վրա օրենքի իշխանության դեմ ընդվզում է ոչ միայն հոգեւոր «ազնվականությունը», այլեւ դիոնիսական «ժողովրդավարական» կյանքի ուժերը: Այդ իսկ պատճառով էլ աշխարհում տեղի են ունենում հեղափոխություններ, որոնք նաեւ ձեռք են բերում բարոյական նշանակություն: Ազնվականությունն ինքն իրեն երբեք հեղափոխություն չէր անելու: Սովորական իշխանությունը, հասարակական կարծիքը, ավանդույթները «ժողովրդավարական» են, դրանք միշտ մեծ թիվ են կազմում: Բայց մեծամասնության «ժողովրդավարությունը» եւ զանգվածների ընդվզումը սովորական, հասարակական կարծիքի, ավանդույթների դեմ նրա համար են, որ անմիջապես ստեղծեն նոր սովորություններ, հասարակական կարծիք ու ավանդույթներ (*Լե Բոն լավ է խոսում հեղափոխական զանգվածների պահպանողականության մասին: Տե՛ս նրա «Psychologie des foules» գործը*): Օրենքի բարոյագիտությունը հիմնված է այն հավաստությունների վրա, որոնք բացահայտվում են հենց իր սեփական տիրույթում: Միայն շնորհի բարոյագիտությունն է «ազնվականական» ազատությունից եւ «ժողովրդավարական» օրենքից վեր կանգնում:

Ճարտանկելի
Թարգմանությունը՝ Ա. Ս.-ի

Դեյվիդ Խերդյանը եւ մեր բանաստեղծական ժառանգությունը

Սկզբը՝ էջ 7

Մեզնից բոլորը մեր իսկ ցանկությամբ Ստեղծել ենք անկյուն՝
 լի խաղաղությամբ:
 Թեեւ մենք ապրում ենք միեւնույն երկրում,
 Սակայն դա հավերժ օտար է մնում:
 («Հարգանքի տուրք Ադանային»)

Ամերիկահայ պոետի պատկերմամբ սփյուռքահայ երեխաներն ինքնամեկուսացված վիճակում են: Նրանք թաքնվել են այն փոքր, խաղաղ աշխարհում, որ իրենք իրենց համար ստեղծել են: Հայ մանուկներն անկարող են ընդունել եւ տեր կանգնել իրենց մշակութային ժառանգությանը, մինչեւ ժամանակն օգնի նրանց վերագտնել այն եւ քաղել դրա պտուղները: «Ճնճղուկ» բանաստեղծության մեջ Խերդյանը հարգանքի տուրք է մատուցում 1915 թ. ցեղասպանության զոհերի հիշատակին: Ամերիկահայ պոետի գրվածքում հայերի դառն անցյալը կարծես կենդանություն է ստանում (*տե՛ս Kherdian D., «Sparrow», in On the Death of My Father and Other*

Poems (Fresno, Calif.: The Giligia Press, 1970), էջ 1).

Հայագգի կինը ճաշն է իր եփում
 Այն կրճոնքներով, որ մենք ենք թողնում:
 Կտորտանքները մեր կողմից թողված
 Իմաստավորում են կյանքը լռակյաց:
 Նա կորցրել է կյանքում ամեն բան,
 Եվ այժմ խնդրում է մեզնից շատ
 քիչ բան:
 Նա հանգիստ-հանդարտ կյանքն է իր
 ապրում,
 Որին համակել է շատ մեծ տխրություն:
 Երբ նա նստում է ճաշի սեղանին,
 Նա լուռ նայում է իր լուսամուտին,
 Դրանով անցնող արեւի լույսին,
 Իր առաջ դրված նուրբ գավաթներին:

Բանաստեղծության ազատ շարադասությունը եւ ձեւը արտացոլում են հերոսուհու տրամադրությունը: Կուռքի պես եկեղեցու դիմաց նստած ծերունու պես Խերդյանի հերոսուհու պարզ պահանջմունքներն աղճատում են նրա ներքին հարստությունը: «Պատուհանները, դրանց միջով ներս հորդացող լույսը եւ հերոսու-

հու փոքր գավաթները»,- այս ամենը բավական է ամենակարեւոր բաները պահանջելու համար եւ վերագտնելու այն ճշմարտությունը, որը ժամանակին կորցվել էր: «Մայրս եւ ամերիկացիները» բանաստեղծության մեջ մայրիկի գեղարվեստական խորաթափանցությունը հնարավորություն է ընձեռում անցում կատարելու մեկ մշակույթից մյուսին.

Օրերից մի օր նա նայում է դուրս
 Իր կացարանի բաց լուսամուտից
 Եվ տեսնում է նա հուշերը իր հին
 Եվ տեսնում է նա կյանքը սպասվելիք:
 Իսկ այնուհետեւ ասում զարմացած.
 «Օտարները այս իրենց մանչունկին
 Դահուկ-մեծացնում են ինչպես թռչունի»:
 («Հորս հիշատակին»)

«Ճնճղուկը» բանաստեղծության մեջ մայրիկը կանգնած է պատուհանի մոտ, որը մի տեսակ խորհրդանշական գտիչ է հանդիսանում «հիշողության եւ գալիքի» միջեւ: Սակայն այս բանաստեղծության մեջ իսկական պատուհանը հայկական արտահայտությունն է, որը որոշակի ուղղություն է հաղորդում ժողովրդական ի-

մաստության պատառիկներին: Այդ իմաստությունը բխում է մի հիշողությունից, որը հագեցած է գյուղացիական անցյալի պատկերներով:

Ճարտանկելի
Տիգրան ՄԱՆՈՒՄՅԱՆ
Բանասիրական գիտ. թեկնածու

ԵՐԻԱՏՈՆՅԱ ՋԱՅԱՍՏԱՆ

Կրոնական, մշակութային, լրատվական երկշաբաթաթերթ

Հիմնադիր՝
Մայր Աթոռ Սուրբ Էջմիածին

Հրատարակիչ՝
«Քրիստոնյա Հայաստան» թերթի խմբագրություն

Գլխավոր խմբագիր՝
Աստղիկ Ստամբուլյան

Գրանցման վկայական՝ 624
Խմբագրության հասցեն՝
Մայր Աթոռ Սբ Էջմիածին

Հեռախոս՝ 517197

Էլ. փոստ՝ qh@etchmiadzin.am

astghikstam@gmail.com
web կայք՝
kh-tert.livejournal.com
krishayas.wordpress.com
 Ստոր. տպագր. 3.8.2015 թ.
Տպագրանակ՝ 2100
Գինը՝ 50 դրամ